

LIGÁRADAN PÁBLO JOUN RÓMANA

Labúrujan Páblo joun tílana ligílisi to Rómaboun

1 ¹Anája áu, Páblo, nabúrújañoun gárada to jun, jugúya lánigu Búngiu ja aganoúbaña ubúругu Róma. Aban esériwiduti lun Jesucrístu áu, anúadira lumútina Búngiu lun lánibadina lan apóstolu, ába loúnajanina lun nasúbudiragüdüni ugánu luáguti Wasálbaragüle le aráanse láalibeí jaba güirgía. ²Sabúdigüda lumúti Búngiu ugánu le lúmagiñé meja binárü jádaangiñe profétagu, bürúwati le jadímurejabei tídan Lerérun Búngiu. ³Ñúbinti asálbaruni ligía woun lídaangiñe Wabúreme Jesucrístu. Güirgía uboúaguna Jesucrístu, Búngiu méme gñe. Queisi güirgía, jádaangiñeti méja lufámilian Urúei Davíd Jesucrístu, ⁴arufudúati luágu Liraú lan Búngiu láu luweírín miláguru le ladúgübei láu lásaaragüdüni Jesucrístu lídaangiñe ouwéni. ⁵Fuleísei lumútiwa Búngiu lídaangiñe Jesucrístu lun loúnajaníwa lídan líri lun wasúbudiragüdüni joun güirgía luágu queisi Wasálbaragüle lídan sun fulásu, gayára lámuga jaffñerun luágu, adúga jameíme le lubefbei. ⁶Anjúnjein jagánagua güirgía jagía, jugúya le únbei lagúara Búngiu lun lánigu jumá Jesucrístu.

⁷Nabúrújaña lubeíti jun, jugúya le aganoúbei ubúругu Róma, ja jínsiñebaña lun Búngiu, wa ligía jun lun jabágaridun ában ibágari derégeguañu júngua lun. Ibíja jumá abíniruni lúma darángilau lúmagiñe Wáguchi Búngiu lúma lúmagiñe Wabúreme Jesucrístu.

Busénti Páblo lídin Róma

⁸Furúmiñeti cátei le nabúseerúbei jasúbudirun, luágu luweírín neteíngiruni Nubúngiute lídaangiñe Jesucrístu juágu, sun jugúya, lugúndun adímurejóati luágu jaffñen luágu Jesucrístu lídan sun fulásu. ⁹Áni Búngiu, le únbei nesériwida táu sun nanígi apúrichijei ugánu luáguti Liraú, geféenti luágu luweírín nayúmuragun juágu súnwandan lídan nayúmuragun lun. ¹⁰Amúriajatina lúma Búngiu súnwandan lun madísebei lan wéyu ligía lun gayáraabei lan nídin aríjaün, ánjein ligía lubeí lugúndaanbei. ¹¹Lugúndun

buséntina naríjinün lun níderagunün lídan jaffñen, lúntima derégüdagu jumá, ¹²lun gñe wíchugun gurásu wádaangua láu affñeni le wawágubei.

¹³Nidújeñu, buséntina jasúbudiruni luágu álugaadina lan nídin aríjaün sarágu weíyaasu, siñágili nídin. Álugaadina nídin lun níderagunün lídan jawáanserun lídan jeíbugun luma Búngiu, queísi naríjini jawáanserun jíbiri affñetiña lídan buri ámu fulásu. ¹⁴Lúnti níderaguniña sun gürígia, dándu ja chülúguatiña queísi ja machúlaaguntiña, dándu chu táu queísi ibídiougua táu. ¹⁵Lueígiñe lubeíti noúbadina, buséntina gñe lun napúrichijani ugánu luáguti Wasálbaragüle jun, jugúya le aganoúbei ubúругu Róma.

Lubáfu ugánu lánina asálbaruni

¹⁶Úati nibúsigari nan láu ugánu luáguti Wasálbaragüle, lugúndun níjein lan lubáfu Búngiu lídan ugánu ligía lun lasálbaruniña sun ja affñebaña luágu, juríu furúmiñe, lárigiñe, ja mámabaña juríu. ¹⁷Arúfuda lumúti ugánu ligía woun ída líña lan larícharaguagüdüniña Búngiu gürígia ligíbugiñe, lun gayáraabei lan lerésibiruniña queísi lánigu. luwúyeri igáburi ligía, láurügü lafñerúniwa luágu, libijúa. Ítara líña taríñaguni Lerérun Búngiu. “Le gürígia le richáguabei ligíbugiñe Búngiu láu lafñerun luágu, libíjubei ibágarí magúmchaditi.”

Jadúnrun gürígia ligíbugiñe Búngiu

¹⁸Aríja wamúti láburujan lanárime ligáñi Búngiu siélugiñe jawágun sun gürígia ja wuríbabaña, jáma ja minébenejabubaña lun, ja mígirunbaña lun lasúbudirúniwa linárün Búngiu, lurúma jaríban. ¹⁹Subúdi jamúti le gayáraabei lasúbudirúniwa luágu Búngiu buídu buídu lugúndun ligía guánariügü arúfuda láali joun, ²⁰le marijínbei luágu Búngiu, gayáraati lasúbudirúniwa láu buri cátei le ladúgübei. Arijúaaali furáangu lúmagiñe lagúmeserun uboú luágu Búngiu lan ligía, luágu gñe Súnti Gabáfu lan ligía lun súnwandan. Gadúnrunjaña lubeíti luágu jaríban, ²¹lugúndun láu sun subúdi jamáni Búngiu ítara, míchugugiña inébesei lun queísi Búngiu, meteíngirun jameí. Queísi libídiouniga láu ligáburi jarítagn luágu Búngiu, féridi jamúti murúsun larúgounga luágu Búngiu lé meja jabíjibeí. ²²Láu sun aríñaga jamá luágu chu lan jáu, ibídiouguati jáu, ²³lubáragiñe jájuduragn lun Búngiu le weírigubei, le móuwedadibeí, jájuduraguáruga joun jayáwa gürígia ja goúwedaditiña, luma gñe joun jayáwa dunúru, jéwe jáma anímaalu ja gádürügua tugúdi.

²⁴Ligía ígira láaña lubeí Búngiu láu luríban ayúmajani le gádaanbaliña, darí lún buri jadúgün cátei buri nibúsigarídünati jámagua. ²⁵Ítara líña ligáburi jabágaridun lugúndun maffñerun jamá luágu inárüni luáguti Búngiu, jaffñera luágu iyéeni, jájuduragua láu inébesei lún buri cátei le ladúgübei Búngiu lubáragiñe jamúga jájuduragn lun Búngiu, le gadúnabei inébesei súnwandan. Ítaralá.

²⁶Ligía ígira láaña lubeí Búngiu lun jadáagun cátei nibúsigarídünati, ásta würiña adáagutiña cátei jáma würiña jáledi lubáragiñe jamúga jagámaridun wügúri queísi lubúdubu. ²⁷Ítara méme gíñe ígira jamáli wügúriña jayúsurun würiña lun jayúsuragun jóungua. Adáaguatiña wügúriña cátei buri nibúsigarídünati jámagua, ábati jasúfuriruni lafáyeirua ja jawíye jawoúgua.

²⁸Queísiti mabúseerúnjaña lan jíchuguni lilúgaarun Búngiu lun, ígira láañati láu lagúburi jasáminan, lun jadúgüni le moún lubei jadúgüni. ²⁹Buin jáña láu sun luwúyeri maríchaü, salúfuri, wuríbani, meménijabuni, iyéreejabúni, gimúgaü, áfarajadi, lanígiwa wuríbu, ayéeraguní, ibíbuni, marásualugu. ³⁰Adímurejatiña wuríba jawágu jíbiri güriña, iyéreeguti Búngiu joun, minébenejabutiña, barúguatiña jóungua, pántatiña. Gachúgütiña lun jaságarun iséri buri cátei wuríbati, mabájüdüñ jamútiña jagúbüriugu, ³¹ibídiouguati jáu, magúnfulirun jamúti jerérun, mínsiñejabutiña ni ca un, úati ferúduna jamá, magúdemejaabutiña. ³²Subúdi jamúti le laríñagubei Búngiu buídu buídu, subúdi jamúti luágu ja lan adúgütí buri cátei le, lúnti lan jóunwen lueígiñe. Láu sun líra, adúga méme jamúti, darí lun gúnda jamá dan l jasáminan, lun jadúgüni lee jaríjin ámu güriña adúgei.

Agúseragüdáti Búngiu láu inárüni

2 ¹Ligía gadúnrun lubeí le adímurejabei luágu le ladúgübei ámu, cáteiñein lan, lugúndun dan le ladímurejan luágu wuríbani le ladúgübei ámu, líchuguña guánarügü dúru luouúgua, lugúndun líbe méme gíñe cátei wuríbati ligía ladúgübei. ²Subúdi wamúti luágu láu lan inárüni lagúseragüda Búngiu dan le lasíadiruniña ja adúgübalin buri cátei l jasáminan, lun jadúgüni lee. ³Bugúyati le adímurejabei jawágu ja adúgübalin buri cátei wuríbati le, áni ligía méme gíñe badúgübei, ¿jarítaguatibu funági luágu beséfuruba lan lueí ligáni Búngiu? ⁴¿Ódi mebéresentibu láu lareíni Búngiu le magúmuchadibei lúma lugúraasun, ibídiñounga bun luágu arúfuda láani Búngiu lareíni bun lun gayáraabei lan basáansiruni bigáburi, máma lun basígirun afígounja? ⁵Derétu banígi, májatibu basáansiruni bigáburi. Ligía abúnja lubeí agánwoundagüda lafáyeija bifígoun lubáme luwéyuri lagúseragüdüñ Búngiu dánme liábin lun líchuguni lisíadin le richábei, ⁶dánme le lafáyeiruni cáda ában según le ladúgübei. ⁷Líchuguba ibágari magúmuchaditi joun ja álujabalin uweírighuni, inébesi, lúma cátei lé buri magúmuchaditi yágüta siélu láu jadúgüni le buídubei súnwandan ya ubouágu. ⁸Ánjaña sun güriña ja magáambadibaña lun Búngiu, ja májabaña lun jafálaruni linárün Búngiu, jafálarei wuríbani, lafáyeirubaña Búngiu láu sun ligáni. ⁹Níjeinbei asúfuriruni lúma igárigu joun sun ja adúgübalin le wuríbabei, joun juríu furúmiñe, lúma gíñe joun ja mámabaña juríu. ¹⁰Ánjeinti joun sun ja adúgübalin le buídubei, líchuguba Búngiu uweírighuni, inébesi, lúma darángiläü, juríu furúmiñe, lúma gíñe

joun ja mámabaña juríu. ¹¹Lugúndun ában lan lanúgüniña Búngiu sun gürígia. ¹²sun ja affgounjabaña masúbudirunga jameí lilúrudun Búngiu le ledéregerubei joun gürígia lídaangiñe Moisés, jagúserawagüdúba bougudin lueí lúrudu ligía, tídiba jawáni máfiougatin. Játi affgounjabaña láu sun subúdi jamáni lilúrudun Búngiu, jagúserawagüdúba láu lúrudu ligía, tídiba gñe jawáni máfiougatin. ¹³Lugúndun máma ja agáambarügübalin lúrudu richáguabaña ligíbugiñe Búngiu, anáti ja agúnfulirubalin. ¹⁴Játi mámabaña juríu, ja ibídiñejabubaña lun lilúrudun Búngiu, gayáraagili jadúgüni le lubesbei Búngiu láurügü laríñagun jarítangun guánarügü joun luágu le buídubei lúma le wuríbabei. ¹⁵Láu jagáburí, arúfuda jamúti luágu níjein lan lilúrudun Búngiu bürúñu tídan janígi, arúfuda tumúti janígi líra, áni laríñagubei jarítangun joun ánjein gadúnrun jabeí lúmoun madúnrun jamá. ¹⁶Luágume wéyu le lagúseragüdúniña Búngiu sun gürígia lídaangiñe Jesucrístu, larítaguba luágu sún buri cátei le, ladúga lagúseragüdúbei gñe ásta cátei lé buri arámudagúabei tídan wanígi. Ítara lúba según ugánu luáguti asálbaruni le napúrichijabei.

Juríu lúma lilúrudun Moisés

¹⁷Ánjein bugúya le pántabei luágu juríu ban, luágu bárügüdün luágu lilúrudun Moisés lun basálbarun, luágu Búngiu lan le inárüni Bubúngiutebei. ¹⁸Subúdi bumúti lugúndan Búngiu, áni arúfudajati lilúrudun Moisés bun lun banúadajani cátei le buídutimaabei. ¹⁹Jarítaguatibu búngua luágu gayára lan badúndejan maríjintiña lídoun úma buíti lúma luágu gayára lan bíchugun larúgounga joun ja eíbugubaña lídan lubúriga. ²⁰Jarítaguatibu luágu gayára lan barúfudajan joun ibídiougua táu luágu Búngiu, lúma lun barúfuduni úma joun ja isérigiñabaña lídan jaffñen, queísi barítangun luágu ibíja báani sun subúdi lúma inárüni lídan lilúrudun Moisés. ²¹Wel, ánjein lubeíti arúfudaja bubeí joun ámu, ¿cági uágu marúfudajan bubeí bun guánarügü? Ánjein apúrichija bubeí luágu lúnti lan míwerujoún lan, ¿cági uágu bíweruja? ²²Ánjein aríñaga bubeí luágu moún lumuti lan jagámaridúniwa jámari gürígia maríeitiña, ¿cámegei badúgei? Ánjein iyéreegu lubeí cátei lánina sándu bun, ¿cámegei bádaragua búngua lídoun buri cátei jánina sándu láu bíwerujani tirísín jalígilisin? ²³Pántatibu láu lilúrudun Búngiu, ába bíchugun minébesei lun Búngiu láu magúnfulirun báani. ²⁴Tinárün Lerérun Búngiu dan le taríñagunbei. “Jídaangiñeti, jugúya juríu, jadímurejanbei ja mámabaña juríu wuríba luágu Búngiu.”

²⁵Adúga jumúti jugúya juríu igáburí le circuncisión lé meja liseíni lidáradun Búngiu jáma lánigu. Buíti igáburí ligía ánjaün agúnfulira lúma líbiri lilúrudun Búngiu lé meja líchugubei joun lánigu lídaangiñe Moisés. Ánjein magúnfulirun jumá, manúgünti circuncisión ni cáta jun, queígubeirügü madúgüniwa lan. ²⁶Gürígia ja mámabaña juríu, ánjein jadúga buri cátei le lubesbei lilúrudun Búngiu, janügúba queísi lánigu Búngiu láu sun merésibirun jamáni circuncisión.

²⁷Gürígia ja merésibirubalin circuncisión, ába jagúnfulirun lúma lilúrudun Búngiu, jarúfudunbei jidúnrun, jugúya le resíbi jumáalibe circuncisión, ja magúnfulirunbalin Lerérun Búngiu, láu sun jun lan labúrídúwa. ²⁸Le juríubei le tímatimaati, máma bougudigínerügü libíti juríu lan, máma gíñe láurügü wadügün cátei le bouguditi wabíti lánigu wamá Búngiu. ²⁹Láu wafálaruni Búngiu táu sun wanígi, lánigu wagía le tímatimaati, wáfaaguba táu sun wanígi lun wadügüni lugúndan, lugúndun ni cáta circuncisión lun Búngiu. Ítara líña lubeíti, gürígia le lánigubei Búngiu tídaangiñe lanígi, ligía buídubei ligíbugiñe Búngiu íbini jarítagun gürígia luágu mabuídun lan.

3 ¹Queísi ítara líña lubeí, ¿jalíañeinti jagáñiragüle gürígia lueígiñe juríu jamá? ²¿o cági lubuíduña lerésibirúniwa circuncisión? ²Sarágu, áni gíbeti gíñe lébuna. Furúmiñeti cátei, rúlumuti Búngiu lerérun joun juríu. ³Ánjaña ñi jádaangiñe juríu, múaraantiña lúma Búngiu, ¿magúnfulirunbei funági Búngiu láu lerérun ladúga líra? ⁴¡Máma líña! Lubáragiñe líra, lagúnfuliruba Búngiu láu lerérun láu sun yé jama sun gürígia ubouágu. Taríñajare Lerérun Búngiu.

Babájüdúba queísi richáti lídan le baríñagubei,
áni buídubei báfuridun dánme le bagúserawagüdún.

⁵Ábanya álügüdajani. ánjein seríwi lubeí luríban wagáburi lun larúfuduni luágu richágua lan Búngiu, ¿cábagi waríñaga? ¿Maríchatí funági Búngiu lugúndun larúfuduni ligáñi luágu luríban wagáburi? (Nadímurejañatia queísi gürígia.) ⁶¡Máma líña! Lugúndun lun jamúga múaran lan Búngiu, ¿ída líña jamúgagi lagúseragüdüniña gürígia?

⁷Ánjein gíñe seríwi lubeí wayéeni lun weírigutimá lan linárün Búngiu, ¿cáti uágu laríñawagúa wawágu luágu gaffigoun wamá? ⁸¿Lúnti lubeí jamúga ladügún wuríbani lun larijóuniwa le buídubei? Niján cátei le jaríñagubei sarágu gürígia luágu ligía lan warúfudajabei. Gürígia ja aríñagubaña ítara, lúnti jamúga jasiádirúniwa.

Sun wagía gadúnruntiwa ligíbugiñe Búngiu

⁹¿Ída liñági? ¿Buítimaatiwa wagía juríu sügú jáu gürígia ja mámabaña juríu? ¡Uá! Lugúndun arúfuda wamáali luágu dándu lan juríu queísi máma juríu lábugiñeñanu lubáfu figou. ¹⁰Taríñajare Lerérun Búngiu.

Úati ni ában gürígia richáguati ligíbugiñe Búngiu, ni íbini ábanrügü,

¹¹úati ni ában ánjaruti lun gunfaráanda lan,
úati ni ában áluajati Búngiu.

¹²Yuríguaaña súnigubei, núdünjaña lídoun féridi.

Úati ni ában adúgüti le buídubei, ni íbini ában.

¹³Eyéeraguatiña láu jayúma,

júnren líña jayúma lun jadímurejan lagúbüri dimúrei le mínsineguti queísi limínsinegun líjeme umúajau júnren lárigiñe líchugúniwa jiláali ñíjin. Yúsu jamúti jayúma lun jagádeirun jíri gürígia furése queísi láfarajan lupeísini jéwe.

14 Anábajani rügúñein jadímurejan lau jeyéreejabu.

15 Furéseti jagúdi lun joúdin áfaraja.

16 Barúti jagáburi güiringuaü lúma igárigu,

17 áni ibidiñeti úma lánina darángilau joun.

18 Marítagungubeítiña luágu lanúfudewa lueí Búngiu.

19 Subúdi wamúti luágu sun lan le laríñagubei binádu lilúrudun Búngiu, joun lan ja lúbugiñebaña lúruđu ligía laríñagei, lun jasúbudiruni güriquia jagía luágu gafígoun jamá. Ítara líña lubeíti, gadúnrun jamá sun güriquia ligíbugiñe Búngiu, dándu juríu queísi ja mámabaña juríu. 20 Lugúndun úabei ni ában eréderuti richágu ligíbugiñe Búngiu lueígiñerügü ladúgüni le lubeíbei lúruđu, lúnrügi lasúbudiragüdüni lúruđu woun luágu gafígoun wamá lesériwida.

Lídaangiñe affñeni liábin asálbaruni

21 Guetóti arúfuda láali Búngiu woun ída lúba lan ligáburi gayára lan weréderun richáguañu ligíbugiñe bougudin lueí lúruđu lé meja líchugubei lídaangiñe Moisés. Gayáraati wasúbudiruni líra láu walíjanun lílburuna to meme lílúrudun Moisés, túma jalíburun profétagu. 22 Láu waffñerun luágu Crístu, gayára lan weréderun richáguañu ligíbugiñe Búngiu, áni ában lan ladúgüni Búngiu líra joun sun güriquia, 23 lugúndun afígounjaaña sun güriquia áni siñáti lagúndaarun Búngiu jáu. 24 Láu larefni Búngiu, resíbi lumútiña sun güriquia queísi lánigu, mafáyeijaanga jagía luágu, lugúndun fáyeijali Crístu luágu wafígoun lun gayáraabei lan weréderun richáguañu ligíbugiñe Búngiu. 25 Adúgati Búngiu lun lébunabei lan ferúdu Crístu láu loúnwen luágu wafígoun, áni lídaangiñe waffñerun luágu queísi Wasálbaragüle liábin ferúdu woun. Láu loúnwen Crístu queísi afáyeiragülei luágu figou, ába larúfuduni Búngiu luágu úaragua lan áni iyéreeguti figou lun. Ába lachíbuni líta Crístu jafígoun güriquia já meja aganoúbaña lídan dan le sügújalibeí, le uágubei mafáyeijagüdüni láañabaña lan, 26 chibá lumuti gíñe jafígoun ja aganoúbaña lídan buri dan le, lun larúfuduni luágu úaragua lan, áni sun ja affñebaña luágu Jesucrístu queísi Jasálbaragüle barú lumútiña queísi úaraguatiña.

27 Queísiti ítara líña lubeí, ¿cáti asúseredubei lun japántan güriquia luágu lubuídu jagáburi? Gumúguati. ¿Cági uágu? Lugúndun lun jamúga gayára lan wasálbarun láu lubuídu wagúnfulirun lúma binádu lilúrudun Búngiu, gayáraati jamúga wanáangun woúngua, queísi sálbañu wáña lubeí láurügü wafíñerun luágu Crístu, gumúgua lébuna wanáangun woúngua. 28 Subúdi wamáali lubeíti buídu luágu resíbi láani Búngiu güriquia le affñeti luágu Crístu queísi güriquia richáguati, mebésesegúnga ánjein gúnfulijali lubeí lúma lílúrudun Moisés lúmoun magúnfulirungili lan.

29 ¿Juríu rügúñanu funági Gabúngiutei Búngiu? ¿Ma funági gíñe Jabúngiute ja mámabaña juríu? Jabúngiute gíñe, 30 lugúndun ában rügúñein

Búngiu, le erésibirubaliña sun gürígia ja afñebaña luágu Jesucrístu queísi Jasálbaragüle, mebéresenga ligía ánjein resíbi jabálin circuncisión lúmoun merésibirun jamáni. ³¹ ¿Wayúsuruñein lubeíti afñeni luágu Crístu lun warúfuduni luágu mebégi lan binádu lilúrudun Búngiu guetó? ¡Uá! Lubáragiñe líra, warúfuduñein luágu buídu méme lan lúrudu ligía.

Jémpulu luáguti Abrahám

4 ¹ ¿Cábati waríñaga luágu Abrahám, le binádu wáguchi, wagía juríu? ² Lun jamúga lueígiñe lan ladúgün cátei buíti lerésibirei Búngiu queísi ában gürígia richáguati, gébunati jamúga lapántajan, máma ligíbugiñe Búngiu. ³ Taríñajare Lerérun Búngiu. “Affñetí meja Abrahám luágu Búngiu, luágu lafñen lerésibirei queísi wügúri richáguati.” ⁴ Dan le ladúgün gürígia ában wadágimanu, fáyeiti le libíjubei lebégi luwádigimari, máma edéweejani. ⁵ Anjeinti gürígia le asálbaruti lídaangiñe lifigoun láurügü lafñerun luágu Búngiu le erésibirubaliña gafígountiña, lerésibirubei Búngiu queísi ában gürígia richáguati luágu lafñen, anáti líra, edéweejani. ⁶ Davíd guánarügü admurejati luágu jagúndan gürígia ja lerésibirubaña Búngiu queísi richáguatiña luágurügü jafñen, mebéresenga ligía ca lán meja jadúgübei. ⁷ Laríñajare Davíd.

Gúndaatiña gürígia ja ferúduna lubáña Búngiu jaríban, áni chibáwa ligía jafígoun.

⁸ Gúndaati gürígia le lanúgübei Búngiu queísi gürígia maffgounjaangili.

⁹ ¿Jóunti rügüñein funásan ja erésibirubalin circuncisión, ódi jóunti gíñe ja merésibirunbalin? Jóunti sun jawúyeri gürígia ugúndani ligía. Aríñagaadiwa luágu resíbi láani Búngiu Abrahám queísi wügúri richáguati, luágu lafñen. ¹⁰ ¿Ída bugági lerésibirei, lárigiñe lerésibiruni circuncisión ligía ódi lubáragiñe? Máma lárigiñe, lubáragiñe. ¹¹ Lárigiñe larúfuduni Abrahám lafñen luágu Búngiu, ligía lerésibiruni circuncisión queísi seíni luágu resíbi láali lan Búngiu queísi wügúri richáguati ladúga lafñen luágu. Ítara líña gíñe liábin Abrahám lun jáguchibeí lan sun ja afñebaña luágu Búngiu merésibirunga circuncisión, áni resíbi lumútiña gíñe Búngiu ítara queísi richáguatiña. ¹² Jáguchi gíñe ja resíbi jamáalibeí circuncisión Abrahám, ja afñebaña luágu Búngiu queísi lafñerun Abrahám lúmagiñe lubáragiñe meja lerésibiruni circuncisión.

Gúnfuliti Búngiu láu lerérun

¹³ Aríñagatí meja Búngiu lun Abrahám luágu líchugubei lan ubouú lun jáu sun linébaanfaangu queísi jalágaante, máma ladúga lagúnfuliruni Abrahám lilúrudun Búngiu líchugúa dimúrei le lun, ladúga lafñerun luágu Búngiu, ába lerésibiruni Búngiu queísi ában wügúri richáguati. ¹⁴ Lun jamúga já rügüñanu lan íchugubalin jeménigi luágu jagúnfulirun lúma lilúrudun Búngiu erésibira alágan, málati lubeíti jamúga jafíñerun ja eménigidubaña

luágu jaffñen luágu Búngiu lun jerésibiruni. Málati jamúga gíñe dimúrei le líchugubei Búngiu luágu alágan lugúndun lídan lináriin cátei, mabáfutiña gürígia lun jagúnfulirun lúma lilúrudun, ¹⁵barúrügü lumúti lilúrudun Búngiu ligáñi jawágun gürígia luágu magúnfulirun jamáni. Ánjein le ñí lumuti úa lan lúrudu, úati gíñe dúru luágu ladúraawagún.

¹⁶Ligía, lun lubei derégüda lan dimúrei le líchugubei Búngiu lun Abrahám joun sun linébaanfaangu, lúnti méja ábanbei lan edéweejani luágurügüti affñeni. Mámariügü jóunti ja lábugiñebaña lilúrudun Búngiu le líchugubei joun juríu lídaangiñe Moisés dimúrei ligía, jóunti gíñe sun ja mámabaña juríu áni máma gíñe lábugiñeñanu lúrudu ligía, ába jaffñerun luágu Búngiu queisi laffñerun Abrahám luágu. ¹⁷Ligíbugiñe Búngiu, ñúbinti lubeiti Abrahám lun wáguchibeilun sun wagía le affñebeilun luágu Búngiu, queisi taríñagun Lerérun Búngiu. “Adúga náadibu lun jáguchi ban sarágu mútu.” Gabáfuti Búngiu lun ladúgüni líra queisi gabáfu lan lun líchugun íbágarilun joun jiláaña, njeingüdalei buri cátei le úagili.

¹⁸Láu sun uá lán yebe eménigini luágu Abrahám lun garaú lan ladúga weíyaali lan, weíya tugúya Sára, affñeti dán meja le laríñagubei Búngiu lun luágu ítara lúba lan jíbe ladúgawagun queisi warúguma. Ába lasúseredun ítara lun jáguchibeilun sarágu mútu. ¹⁹Meféridirun lumúti laffñen luágu dimúrei le laríñagubei Búngiu lun, láu sún meja yaráfaali lan lun lagúnfulirun san irúmu, áni weíyaaru gíñe Sára lun tagáraüdü. ²⁰Maloúguadunti laffñen luágu dimúrei le laríñagubei Búngiu lun, weíritimáarügüti laffñen. ²¹Rúti uweíriguni lun Búngiu láu ában ichoúruni le tímatimaati luágu gabáfu lan Búngiu lun ladúgüni sun le uágubei laríñaga. ²²Ligía lerésibirunbalin Búngiu queisi wügürí richáguati, luágu laffñen.

²³Cátei le, luáguti lerésibiruniña Búngiu gürígia luágu jaffñen, mámarügü luágu Abrahám labúrújoúa, ²⁴labúrújoúña gíñe wawágu. Lugúndun luágu waffñen, resíbi lumútiwa gíñe Búngiu queisi richáguatiña, wagía le affínebei luágu le ásaaragüdübalin Wabúreme Jesúsu lídaangiñe oúweni. ²⁵Jesúsu le ederegerúabei lun loúnwen luágu wafígoun, ába lásaarun lídaangiñe oúweni lun larúfuduníwa richáguañu ligíbugiñe Búngiu.

Niján lébubei weréderun madúnrunga

5 ¹Queisiti resíbi láadiwa lubei Búngiu láu waffñerun luágu, lídaanjadiwa dan lúma, lídaangiñe Wabúreme Jesucrístu. ²Ladúga Crístu, biníwadiwa lubei láu waffñen luágu, derégüdagu wáña lídan lareíni Búngiu, áni gúndaatiwa láu eménigini luágu gafáanranbadiwa lan lídan luweírigun Búngiu. ³Áni máma rügúñein líra, gúndaatiwa gíñe lídan wasúfurirun ya uboúagu, lugúndun subúdi wamúti luágu ru lan asúfuriruni gurásu woun, ⁴buídügüda lumúti gurásu wagáburi, áni láu líra, gayára lan weménigidun lun gafánraanbadiwa lan lídan luweírigun Búngiu yágüta

siélu. ⁵Áni máburujanbei warúna lurúma eménigini le, ladúgübei Búngiu le aríñaga láalibeí woun ladúga línsiñejabu woun. Sandí wamaali línsiñejabu, buíngüda láaru wanígi láu línsiñejabu, láu Sífiri Sándu le rúlaalíbeí woun.

⁶Ladúga línsiñejabu Búngiu woun, queí meja le mabáfu wabeí lun wasálbaragun woúngua lídaangiñe figoú le gádaanbaliwa, ába loúnajani Crístu lídan óra le lanúadirubeí lun loúnwen wawágu, wagía le gaffigounbei. ⁷Máma cátei ménreengunti lun loúnwen ában gürígia jawágu ámu gürígia, ni íbini lueígiñe ában gürígia le buídubeí, láu sun nijein lan gürígia gayáraati jamúga loúnwen lueígiñe ában gürígia le buíti le tímatimaati. ⁸Ánjein Búngiu, ába larúfuduni luweírín línsiñejabu woun láu loúnajani Jesucrístu le Liraú lun loúnwen wawágu, láu sún meja gaffigoungidiwa lan. ⁹Guetóti, láu resíbi láadiwa lan queísi gürígia richáguatiña láu loúnwen Crístu wawágu, choúrútimaati luágu weséfuruba lan lueí ligáñi Búngiu le lúnbei láburujan jawágun gaffigountiña lídaanme luwéyuri agúseruni. ¹⁰Lugúndun ánjein ru lubáliwa Búngiu lídan dan kúmagua láu loúnwen Liraú dán meja le láganigídiwa, choúrútimaati luágu lasálbarubadiwa lan le gumúti, luágu Liraú le wínwañubeí lúma, siélu. ¹¹Áni máma rügúñein cátei le, gúndaatiwa gñe lúma Búngiu lídoun buri dan le, lídaangiñe Wabúreme Jesucrístu, le ídaangiñebeí lídaanjadiwa lan dan lúma Búngiu.

Adán lúma Crístu

¹²Ítara queísi lídaangiñe lán meja ábanrügü wügüri le gíribeí Adán lebélura figoú uboúagun, ába lanúgüni figoú ouweni kúmagua queísi lafáyeija, ítara líña gñe jóuweguba lubeí sun gürígia lugúndun affigounjatiña súngubeí. ¹³Lubáragiñe meja líchuguni Búngiu lílúrudun joun gürígia lídaangiñe Moisés, añájeinjaña méja gürígia affigounjaña uboúagu, láu sun úagili lan lúrudu ligía lun gayáraabeí lan jadúraaguni. ¹⁴Láu sun líra, kúmagiñe meja lidáani Abrahám darí kúmoun lidáani Moisés, jilátiña gürígia luágu jaffigoun láu sun máma lan ladúga magáambadi jamá jaffigounbei queísi ladúgüni Adán le magáambadiubeí lun lerérún Búngiu lun. Lueígiñe ában oúbaü, Adán liyáwa Crístu le lúnbei liábin, ladúga biángubeí jagía barútiña som cátei joun gürígia.

¹⁵¡Ámuñegueinarügü gñe cátei le janúgübei joun gürígia! Barúti Adán ouweni joun sun gürígia láu laffigounjan, ánjeinti Crístu, barúti asálbaruni joun sun gürígia, áni weíríti asálbaruni le líchugubeí Búngiu láu lareíni woun lídaangiñe Crístu sügú láu lifigoun Adán. ¹⁶Weíríti gñe le líchugubeí asálbaruni sügú láu le líchugubeí lifigoun Adán woun. Ladúgarügü ában figoú, chülúti ouweni joun sun gürígia, ánjeinti ladúga loúnwen Crístu wawágu, ferúdnawati sun waffigoun le gíbebeí, resíbi lumútiwa Búngiu queísi gürígia richáguatiña. ¹⁷Ánjein gabáfu lubeí ouweni jawágu sun gürígia ladúga lidúnrun ábanrügü wügüri—Adán, choúrútimaati luágu sun lan gürígia ja lerésibirubaña Búngiu láu lareíni queísi gürígia richáguatiña, jabíjubeí íbágarí magúmuchaditi kúma Búngiu, jarúejaba úara kúma Crístu, ladúga ábanrügü wügüri ligía.

¹⁸Ítara queísi líchuguniña Adán sun gürígia lábugiñe lisíadin Búngiu lun jounwen láu ladúgüni le áubei magúndan lan, ítara líña gíñe lagídaruniña Crístu gürígia lábugiñegiñe asiadiruni ligía, rúlei ibágari magúmchaditi joun láu ladúgüni lugúndan Búngiu lun loúnwen jawágu. ¹⁹Ladúga lubéiti lumágaambadi ábanrügü wügúri, ñúbintiña sun gürígia lun jaffgounjaba lan, ítara méme gíñe, ladúga lagáambadi ábanrügü wügúri, gayáraati jayábin sun gürígia lun richágua jamá ligíbugiñe Búngiu.

²⁰Rúati lilúrudun Moisés woun lun gayáraabei lan wasúbudiruni cátei lan figoúbei. Láu sun gíbe lan figoú uboúagu, weíritimaabei lareíni Búngiu lun lachíbuni sun figoú ligía. ²¹Ítarati queísi gabáfu lán meja figoú lun lanúgüni ouweni, ítara gíñe gabáfuti lareíni Búngiu lun ladúgüniña gürígia richágua ligíbugiñe, lúma lun líchugun ibágari magúmchaditi joun lídaangiñe Wabúreme Jesucrístu.

Jiláñu wáña lun figoú, wínwañu lun wesériwidun lun Crístu

6 ¹¿Cábati waríñaga? ¿Wasígiruba afígounja lun larúfuduntima Búngiu lídaangiñe lareíni woun? ²¡Máma lúba! Wagía, jiláadiwa lun figoú, ¿ída lubáti gayára lan wasígirun affígounja? ³¿Ibídineti jun luágu láu lan lídan wamá ában lúma Crístu láu wabásterun, queísigubeirügü jamúga lídaañadiwa lan gíñe ában lúma lídan loúnwen, lun mabáfujali lánme figoú wawágu? ⁴Láu wabásterun, queísigubeirügü jamúga bunáwa wamá úara lúma Crístu, áni reídeitiwa jiláñu lun figoú. Queígubeirügü sarágüda láani Wáguchi Búngiu Crístu lídaangiñe ouweni láu luwefrin lubáfu, sarágüda láadiwa gíñe lun iseríjali lan wabágari.

⁵Lugúndun ánjein ñúbin wabeí lun lídaanbadiwa lan ában lúma Crístu lídan ában ouweni líbe loúnwen, ítara wába gíñe lídan lásaarun lídaangiñe ouweni. ⁶Subúdi wamúti luágu dáwagua lan binádu meja wagáburi lúma Crístu luágu gurúwa lun lagúnrinchawagún lubáfu figoú lé meja wawágubei, lun merédeediwa lan queísi idámuni esériwida lun figoú queísi wayúbudiri. ⁷Lugúndun le jiláalibeí, furíjali lídaangiñe figoú. ⁸Ánjein jiláadiwa lubeí lúma Crístu, gayáraati wafíñerun luágu wabágariduba lan gíñe lúma, ⁹lugúndun subúdi wamúti luágu sará lan Crístu ában weíyaasu lídaangiñe ouweni, moúnwendügúyaali, mabáfujali ouweni luágu. ¹⁰Dan le loúnwenbei Crístu, ába lagúmchaguagüdüni lubáfu figoú lun sun dan, áni ibágari le labágaridubei guetó, lun méme lesériwidun lun Búngiu labágaridei. ¹¹Jugúya gíñe, rúgua jumá júngua queísi jiláguaaña lun figoú, áni wínwañu lun jesériwidun lun Búngiu, lídan ában lúma Crístu Jesúsú le Wabúreme.

¹²Ligía, mígira jumá lubeí lun gabáfu méme lan figoú juágu, afósuraüin lun jadúgüni luríban jayúmajan. ¹³Míchaagua jumá júngua lun figoú lun layúsuruni júgubu lun cátei wuríbati. Lubáragiñe líra, derégegua jumá júngua lun Búngiu queísi gürígia jiláaña, ábaya jabágaridun, derége jumeí júgubu lun Búngiu lun layúsuruni lun cátei buíti. ¹⁴Mabáfujalíme

figoú juágu, lugúndun mámaadün lábugiñe lilúrudun Búngiu, lábugiñejadün lareíni lun gayára lan jadúgüni lugúndan.

Ában jémpulu luágu idámuni

¹⁵Queísiti máma lubeí lídaangiñe wagúñfulirun lúma lilúrudun Búngiu le íchugubei lun Moisés liábin wasálbarun, lídaangiñe werésibiruni lareíni Búngiu, ¿gayáraati lubeíti wabágaridun lídan figoú ladúga líra? ¡Siñáti! ¹⁶¿Ibidiñeti jun luágu le lan únti jíchaagua júngua lun jídin láu le lubeíbei lidámuñadün lan? Gayáraati lubeíti janúadajan cába lan un jíchaagua júngua, lún yebe figoú le íchugubei féridi, o lun lan agáambadi lun Búngiu, le íchugubei ában ibágarí richáguati. ¹⁷Teínqui nña lun Búngiu luágu láu sun lan lidámun jumá meja figoú, guetó jídiña láu ligáburí arúfudajani buíti le jagáambubei, táu sun janígi. ¹⁸Mámaadün idámuni lun figoú, lidámunjadün Búngiu. ¹⁹(Nadímurejaña jun láu jémpulu le, le luáguti idámuni lúma labúreme, lúntima gunfaráanda jumánina.) Ítara queí meja lidámun jumá sun luwúyeri figoú, guetó lúnti jiábin lun lidámun jumá buri cátei le buídubei, lun jabágaridun ában ibágarí derégeguañu lun Búngiu.

²⁰Lídan buri meja dan ligíra, dán meja le lidámuñadün lan figoú, mebéreseguntün meja lun jabágaridun ában ibágarí buíti ligíbugiñe Búngiu. ²¹¿Ca mejáti cátei buíti lanúgübeí buri cátei ligía jun le áubei buri nibúsigarí jumá guetó? Ni cáta buíti, féridi rügüñein lanúga jun. ²²Ánjeinti guetó, mámaadün lábugiñe lugúmadin figoú, lidámujadün Búngiu, barútiti cátei le arúmani tun janígi lúma ibágarí magúmuchaditi jun. ²³Lugúndun ouweni lafáyeijabei figoú, ánjeinti edéweejani le íchugubei Búngiu woun, ibágarí le magúmuchaditi ladúga lídaañadiwa lan ában lúma Wabúreme Jesucrístu.

Ában jémpulu lídaangiñeti maríei

7 ¹Nidújeñu, jugúya le subúdíjabúbei lun lúrudu, subúdi jumáali luágu dán rügüñein lan wíñwangili ában gürígia, ligía lábugiñeñein lan lúrudu. ²Quei jamúga, ában wúri to maríeitu, rulumutu lúrudu lábun lagúmadijan túmari sun dan le wíñwangili lan, ánjein ouwe túmari, bougudijaru lueí lúrudu le íchugubarun lábugiñe lagúmadijan túmari. ³Ánjoun lubeíti agánawa lúma ámu wügúri sun wíñwangili lan túmari, tadúgüña figoú le gíribei adultériu, ánjein ouwe túmari, gidáaru lábugiñeñe lúrudu ligía, áni gayáraati tamárieidun lúma ámu wügúri, madúgüntu adultériu.

⁴Ítara gíñe jugúya, nidújeñu, láu louñwen Crístu, furíjadün lábugiñeñe lagúmadijan lilúrudun Moisés queísi wúri to jiláali túmari, ába tagámaridun ámu. Guetó, lánijadün Crístu, le saráalibeí lídaangiñe ouweni, lun gayáraabei lan jesériwidun lun Búngiu le gumúti. ⁵Lubáragiñe meja werésibiruni Crístu, seríwiti meja lilúrudun Moisés lun lagáguduni

luríban ayúmajaní wádan, áni ligía cátei le anúgübalíwa lídoun ouweni. ⁶Ánjeinti guetó, jiláadiwa lun lúruđu ligía lé meja gámabaliwa lábugiñe lubáfu, guetó furáangujadiwa lun wesériwidun lun Búngiu lídan iséři luwúyeri, táu sun wanígi, láu ubáfu le líchugubei Sífiri Sáđu woun, máma queísi idámuni lun bináđu lilúrudun Búngiu le búruwabei.

Igáburi lánina figóu le wádaanbei

⁷¿Waríñaguba lubeíti luágu wuríba lan bináđu lilúrudun Búngiu? ¡Máma líña! Láu sun líra, lúruđu asúbudiragüdübalin figóu nun. Ibídiñeti jamúga nun luágu figóu lan lawámadirun jamégen ámu ánjein jamúga maríñagunti lúruđu. “Mawámadirabei jamégen ámu.” ⁸Ladúga méme gumádi le, ába lagáguduni igáburi lánina figóu le nídaanbei sun luwúyeri luríban ayúmajani nídan. Lugúndun lun jamúga úa lan lúruđu, larúmuguña yebe lubáfu figóu. ⁹Níjein meja ában dan, lubáragiñe nasúbudiruni laníchigu lilúrudun Búngiu le tímatimaati, ába narítangun luágu úaragua lan nigáburi ligíbugiñe Búngiu, dan le nasúbudirubalin laníchigu lúruđu ligía, ába nasúbudiruni luágu gaffgoun nan, luágu lídaañadina lan úma lun féridi. ¹⁰Ítara líña, lúruđu le jamúga lúnbei yebe líchugun ában ibágari buíti nun, arúfudarügü lumúti nidúnrun lúma lafáyeiruaja. ¹¹Lugúndun larügüdüni igáburi lánina figóu le nídaanbei lueígiñe lúruđu ligía, ába leyéerangunina lun nadúgüni le wuríbabei, ába lanúgünina lídoun féridi láu meme lúruđu ligía.

¹²Sánduti lubeíti lilúrudun Búngiu lídaangua, sánduti giñe sun gumádi le lídaanbei, úaraguati, áni buíti. ¹³¿Ligía funásan cátei buíti le anúgübalina lídoun féridi? ¡Máma líña! Níffgoun anúgübalin neféridirun nun, áni ítara líña larúfuduni luágu figóu lan, láu cátei le buídubei, le méme lúrudubei, lanúgana igáburi lánina figóu le nídaanbei lídoun féridi, áni ítara líña larúfuduni lilúrudun Búngiu luágu wuríba lan figóu le tímatimaati.

¹⁴Subúdi wamúti luágu lídaangiñe lan Sífiri Sáđu líchigei Búngiu lilúrudun, ánjeinti áu, queísi wügüri garaúwarügüti, alúgurúañu níña queísi idámuni lun lubáfu figóu. ¹⁵Úati gunfaráanda náani ca lan susérebei nun, madúgün numúti cátei buíti le nabúseerubei nadúgün, nadúgei cátei le iyéeregubei nun. ¹⁶Ánjein le lubeí mabúseerun nubeí nadúgün ligía nadúga, úaraguati nisáminan lúma lilúrudun Búngiu luágu cátei le buídubei, áni láu líra, arúfuda numúti luágu barúnaani lúruđu quei cátei buíti. ¹⁷Mámaadina lubeíti áu adúgübalin cátei wuríbati le nadúgübei, igáburi lánina figóu le nídaanbei, ligía adúgübalin. ¹⁸Subúdi numúti luágu úa lan ni cáta buíti nídan boúgudin lueí Búngiu, áu queísi wügüri garaúwarügüti. Buséntina jamúga nadúgüni le buídubei, siñáti nadúgüni. ¹⁹Madúgün numúti cátei buíti le nabúseerubei nadúgün, nasígirarüga adúgei wuríbati le mabúseerun nubeí nadúgün. ²⁰Ánjein lubeíti le lubeí cátei le mabúseerun nubeí nadúgün ligía nadúga, lídan linárün cátei, máma áu le láni Búngiu adúgübalin, igáburi lánina figóu le nídaangilibei, ligía adúgübalin.

²¹Niján cátei le asúseredubei nun. dan le busén nan nadúgüni le buídubei, wuríbatí rügüñein nadárra nídán. ²²Lídán nisáminan, jínsiñeti lilúrudun Búngiu nun, ²³áni aríjatina luágu níjein lan cátei nídán, ageíndaguti lúma nisáminan, cátei ligía, igáburi lánina figoú le nídaanbei, le gámabalina adaürüwañu.

²⁴¡Fugiábu áu! ¿Cába eséfurana lídaangiñe igáburi lánina figoú le nídaanbei, le anúgübalina lídoun oúweni? ²⁵Búngiu gubeírügü, lídaangiñe Wabúreme Jesucrístu. ¡Teínqui níña lun Búngiu! Gunfaráanda numúti lubeíti luágu áu lan láu nání núngua, úouga lubáfu Crístu nuágu, buséntina jamúga nagúnfulirun lúma lilúrudun Búngiu, siñá numuti ladúga igáburi lánina figoú le nídaanbei, seríwirügütina lun figoú queísi lidámun.

Wabágari lúma Sífiri Sándu

8 ¹Guetó, gidáwaali jadúnrun gürrígia ja lídaanbaña ában lúma Jesúsu. ²Rúlaali Crístu lání Espíritu woun, áni Espíritu ligía, rúti iséri ibágari woun, furígüda láadiwa lábugiñegiñe lubáfu figoú le anúgübalíwa lídoun oúweni. ³Mabáfuti meja lilúrudun Búngiu lun lagídaruníwa lábugiñegiñe lubáfu figoú ladúga turíban wanígi, wagía gürrígia garaúwarügütiña. Ába ladúgüni Búngiu le lásíñerubei lilúrudun adúga láu loúnajani Liraú uboúagun queísi gürrígia garaúwarügüti le gíñe gayáraati laffigounjan (láu sun, maffigounjan lan). Ába loúnwen Liraú Búngiu, le Jesucrístubei, luágu waffigoun, ába lagúmuchaguagüdüni lubáfu figoú wawágu láu loúnwen. ⁴Ladúgünbalin Búngiu líra, lun gayáraabei lan wadúgüniwa gürrígiame richáguatiña queísi lagúmadíjan lilúrudun, gürrígia ja mabágaridunjañabaña lídán luríban jagúndan, ja abágariduñabaña guetó queísi lugúndan Sífiri Sándu.

⁵Ja abágaridubaña queísi jagúndan queísi gürrígia garaúwarügütiña, luágu rügüñein cátei le lánina uboú jarítagua, ánjaña ja abágaridubaña queísi lugúndan Sífiri Sándu, luágu cátei le lánina siélu jarítagua. ⁶Dan le jabágaridun gürrígia queísi jagúndan, marítagunga jagía luágu Búngiu, barú lumútiña lídoun oúweni, ánjeinti dan le jabágaridun queísi lugúndan Sífiri Sándu, barú lumútiña lídoun ibágari tímatimaati lúma darángilau. ⁷Ja arítagubaña luágu cátei le lánina uboú le, láganiñu Búngiu lugúndan mája jáña, áni siñá ligía jíchagun jóungua lábun lilúrudun. ⁸Ligía, ja lubeí abágaridubaña láu jagúndan queísi gürrígia garaúwarügütiña, siñáti jadúgüni lugúndan Búngiu.

⁹Ánjeinti jugúya, mabágaridunjadün lídán jugúndan queísi gürrígia garaúwarügütiña, jabágariduña lídán ában lúma lání Búngiu Espíritu, queísi aganoúa lubeí jídan. Le úabei lání Crístu Espíritu lúma, máma lánigu Crístu. ¹⁰Ánjein wínwan lubeí lání Crístu Espíritu jídan, wínwanboun juwáni lun sun dan ladúga tarúfudúniwa richáguañu ligíbugiñe Búngiu, láu sun loúweba lan júgubu ladúga figoú le lídaanbei uboú le. ¹¹Ánjein wínwan lubeí lání Espíritu jídan, Búngiu méme le ásaaragüdübalin Jesucrístu lídaangiñe oúweni, líchuguba ibágari iséri lun júgubu le goúwedadibei, lídaangiñe lání Espíritu le jídaanbei.

¹²Ítara líña lubeíti, nidújeñu, lúnti wagúnfulirun lúma Sífiri Sándu le wádaanbei, máma lúma wagúndan queísi gürígia garaúwarügütiña.

¹³Lugúndun ánjaün abágaridarügü queísi jugúndan, queísi gürígia garaúwarügütiña, jeféridiruba, mídinbadün siélu, ánjein jáfara igáburu lánina figoú le jídaanbei jilágubei, láu lubáfu Sífiri Sándu, jabágariduba lun sun dan lúma Búngiu siélu.

¹⁴Sun ja ladúndejabaña láni Búngiu Espíritu, lirájüñü Búngiu. ¹⁵Sífiri Sándu le jerésibirubei, máma ában espíritu lánina idámuni lúnya lanúfudedagüdünün lueí láburujan ligáñi Búngiu juágun, Espíritu le jerésibirubei, ligía le adúgübalün lun lirájüñü jumá Búngiu. Ligía gayára lubeí wagúaruni Búngiu Wáguchi. ¹⁶Geféenti láni Búngiu Espíritu woun luágu lirájüñüjadíwa lan Búngiu. ¹⁷Áni ladúga lirájüñü wamá Búngiu, garíchatiwa gíñe lun alágan siélu le uágubei laríñaga Búngiu woun, le lúnbei gafánran wamá lídaangiñe, lúma Crístu. Ánjein sífuri wabeí luágu Crístu ya uboúagu, gafánraanbadiwa lídan luweírigun yágüta siélu.

¹⁸Jarítaguatina luágu ni cáta lan le wasúfurirubei ya uboúagu lúmoun uweíriguni le lúnbei wabíjini siélu. ¹⁹Láuñein sarágu ayúmajani lúma eménigini sun uboú le ladúgübei Búngiu, agúrabei dan le lúnbei jerésibiruni lirájüñü Búngiu jalágaante. ²⁰Níjein mégeiti luágu sun uboú, máma jamúga ladúga labúseerun, ladúga ítara líña lan labúseeruni Búngiu, ²¹láu sun líra, súnwandan níjein lan eménigini luágu leséfuruba lan uboú lídaangiñe asúfuriruni lúma agádeiruni le gádaanbalin lun gafánraanbei lan lídan jaweírigun lirájüñü Búngiu. ²²Subúdi wamúti luágu chülú lan lúmoun dan le, sun uboú le ladúgübei Búngiu ayájuati láu igárigu camá ában wúri to agáridutu. ²³Áni máma rügúñein uboú asúfurira, sífuritiwa gíñe, wagía affñetiña luágu Crístu, láu sun níjeinjali lan Sífiri Sándu wáma queísi lagúmeseraja cátei le lúnbei werésibiruni. Sandítiwa ában oúnwenbun igári, áni agúraba wamúti dan le lúnbei wayábin lun lirájüñüjadíwa lánme Búngiu le tímatimaati, dánme le liséridun wágubu. ²⁴Ligía lágüdaja wasálbarun. Merésibirun wamágili sun ubuíduni le lúnbei wabíjini queísi lirájüñü Búngiu, agúrabajatiwa werésibiruni yágüta siélu. Ánjein jamúga ibíja wamáaliti sun le lúnbei wabíjini queísi lirájüñü, mébunaali jamúga wagúrabajan. Magúrabajaantiña gürígia jerésibiruni cátei le ibíja jamáalibe. ²⁵Queíti merésibirun wamágili lubeí sun le lúnbei wabíjini queísi lirájüñü Búngiu, lúnti wagúrabuni láu gurásu.

²⁶Ítara méme gíñe, íderagua lumútiwa Sífiri Sándu lídan wadébilin. Queísigubeirügü níjein dan, siñáti wayúmuragun lun Búngiu queísi lubúdubu. Lídan óra ligía, ába líderaguníwa Sífiri Sándu lun waríñaguni luweírin cátei le wasándirubei tídan wanígi lun Búngiu lídan ában luwúyeri le siñáti laríñawagún láu dimúrei. ²⁷Áni Búngiu, le aríjubarun wanígi, subúdi lumúti ca lan labúseerubei Sífiri Sándu laríñagun wádaangiñe, ába loúnabuníwa Búngiu lugúndun ayúmuraguati Espíritu queísi lugúndan Búngiu.

Agãneiruni lídan sun luwúyeri lénreengúnga

²⁸Subúdi wamúti luágu aráanse láani Búngiu lun sun lan cátei le asúseredubei woun, íbini asúfuriruni, lun lanúgün buíti woun, wagía le jínsiñejabúbei lun, wagía le wájali lan lun lánigu wamá queísi larítaguni. ²⁹Lugúndun ja lasúbudirubaña Búngiu lúmagiñe lubáragiñe ladúgüni uboú luágu lánigubaña lan, fánrein lumútiña lun ítara jamá queísi Liraú, lun Liraú lan íbugañäü joun sun ja lanúadirubaña lun lirájüñü jamá. ³⁰Játi lanúadirubaña lúmagiñe binárü, wáti gíñe joun, resíbi lumútiña gíñe lúmagua queísi gürígia richáguatiña, áni ja lerésibirubaña, rúti gíñe ufánrani joun lídan luweírigan queísi lirájüñü.

³¹¿Cábatí waríñaga luágu buri cátei le? Queísi lueígiñeñein lubeí wafúleisein Búngiu, ¿cábági jabáfu wáganiñu wawágu? ³²Mamájaanti Búngiu lun líchuguni Liraú guánarügü lun loúnwen luágu wafúleisein, lubáragiñe líra, ába ledéregeruni lun loúnwen waweígiñe, sun wagía, ¿ída lubáti míchugun láani sun líbiri cátei woun queísi líchuguni Liraú woun? ³³¿Cági gayáraabei líchugun jadúnrun ja anúadaja láañabaña Búngiu queísi lánigu? Búngiu arúfudubaliña quei madúnruntiña. ³⁴¿Cáteiti gayáraabei lasádiruniwa lun féridi? Crístu guánarügü oúwebei wawágu, ába lásaarun lídaangiñe oúweni, guetó nñein ñun lueígiñe loúnwenren Búngiu Úguchili ayúmuragua wawágu. ³⁵¿Cábatí gayára lagídaruníwa lueí línsiñejabu Crístu? ¿Liyáraabadiwa funági asúfuriruni, o lénreengúnga, o eíbaajóuni, o ilámaü, o manáanguni, o pelíguru, o oúweni? ¡Uá! ³⁶Laríñajare tídan Lerérun Búngiu.

Yaráfatiwa lun woúnwen bueígiñe ságü wéyu,

ítara líña jóuseruniwa wáganiñu queísi mudún anügútiña lun jafarún. ³⁷Lídan sun cátei le, íbíja wamúti luweírín lubáfu Crístu, le jínsiñejabúbei woun, lun wagáñeirun lídan sun lénreengúnga. ³⁸Choúru numúti lubeíti luágu úa lan ni cáta lun lagídaruníwa lueí línsiñejabu Búngiu—ni oúweni, ni íbágarí, ni ánjelígu, ni máfianu, ni cátei le guetóbei, ni le lúnbei líábin, ³⁹ni le siélubei, ni le uboúagubei, ní buri ámu cátei le ladúgübei Búngiu—siñáti lagídaruníwa lueí línsiñejabu le larúfudubei woun lídan Wabúreme Jesucrístu.

Anúadaja láaña Búngiu Israelítagu lun lánigu jamá

9 ¹Inárüni le lúnbei naríñaguni guetó jawágu nirásan, áu queísi ában affñeti luágu Crístu, áni meyéejantina, aríñaga tumúti nanígi nun to úraguaboun lúma Sífiri Sándu luágu inárüni lan. ²Weírítí nírún, áni súnwandan nñein lan gárití tídan nanígi jawágu nirásan. ³Buséntina jamúga lun gíñe lábugiñe nan líñaragun Búngiu, díseñu lueí Crístu, ánjein jamúga ítara lúba lubeí gayára lan jerésibiruni Jesucrístu queísi jasálbaragüle lun jasálbarun. ⁴Linébaanfaangu Israél jagía, áni resíbi lumútiña Búngiu queísi lirájüñü. Reídeítí meja Búngiu

jádan láu sun luweirigun áni rúlumuti gíñe darádu buri joun lúma lilúrudun lídaangiñe Moisés. Arúfudati igáburu joun lun jesériwidun lun, liglísirugu, áni joun laríñaga luágu loúnajaba lan ában Asálbaragúlei. ⁵Janébaanfaangu Abrahám, Isáac lúma Jacób jagía, lídaangiñe jarásan liábin Crístu, le Búngiubei, le gíñe Súnti Gabáfu, le gadúnamabei lun liñurúniwa líri lun sun dan. Ítaralá.

⁶Mámatia luágu jamúga reidei lan lerérun Búngiu joun ladúgawagun Israél magúnfulirunga, ladúga máma sun Israelítagu lánigu Búngiu le tímatimaati. ⁷Máma sun linébaanfaangu Abrahám lirájüñü Búngiu le tímatimaati, aríñagarügüti méja Búngiu lun Abrahám. “Lídaangiñerügüba Israél ganébaanfaangu ban.” ⁸Arúfuda lumúti líra woun luágu úa lan ni ában liraú Búngiu luágurügü lirásan, ja rügúñanu lirájüñü ladúga jafíñerun luágu lerérun, jagía anügúbaña queísi lirájüñü ja tímatimaatiña. ⁹Lugúndun niján dimúrei le líchugubei Búngiu lun Abrahám. “Niábinba dánme le lachúlürün dan ligía, ábame tagáraüdüñ Sara ában irájü.”

¹⁰Áni máma rügúñein líra, niján ábanya jémpulu luágu lanúadajan Búngiu. Biángubei meja tirájüñü Rebéca ában jáguchi, le binádu wadúje Isáac, ¹¹⁻¹³áni dán meja le magúriajoúngiña, madúgüñgüñe gíñe ni cáta ni buíti ni wuríbatu, ába laríñagun Búngiu tun Rebéca. “Lumúsunbei amúleñein le íbugañaü.” Úraguati gíñe líra lúma le aríñawagúbei tídan Lerérun Búngiu. “Jínsiñetí meja Jacób nun, ánjein Esaú, iyéreeguti nun.” Ítara líña gufirúmawa lan lirícha Búngiu lun lanúadajaniña ja únbaña labúseera lagúarun lun lánigu jamá queísi labúseeruni, mebérésenga ligía ca lan jadúgübei.

¹⁴¿Cábati waríñaga? ¿Waríñaguba luágu múaran lan Búngiu? ¿Siñáti! ¹⁵Lugúndun laríñajare lun Moisés. “Gareínibadina lun le nabúseerun, gudémejabu áume lun le únti nabúseera.” ¹⁶Ítara líña lubeíti, máma lídaañein wabúseerún o wáfaagun, lugúdemejabu Búngiu woun, lídaañein lugúndan. ¹⁷Tídan Lerérun Búngiu, bürúwañu líña dimúrei le laríñagubei lun urúei Ejiptona. “Nadúgünbálibu urúeime lun narúfuduni nubáfu buágu, lun gíñe nasúbudiragüdüni níri lídan sun fulásu.”

¹⁸Gudémejabuti lubeíti Búngiu lun le labúseerun gudémejabu lan, derégüdalóun lanígi le únti labúseera ledéreragüdüñun.

¹⁹Baríñaguba lubeíti nun. “Ánjein ítara líña lubei, ¿cáti uágu líchiga Búngiu dúru jawágu güriñgü? ¿Cági gayáraabei ladúgün cátei bouguditi luei lugúndan Búngiu?” ²⁰Wel, ¿cátabuñadíbugi lun balégejan lúma Búngiu? ¿Laríñaguba funági sóudieru lun le adúgübalin. “¿Cáme badúgana ítara?” ²¹Garíchatu le adáagubei sóudieru lun ladúgüni le labúseerun láu lubúñe sóudieru, gayáraati ladúgün ában sóudieru le díseguati layúsurun, lúma ában le ayúsurúti lun furúmieguarügü cátei lídaangiñe ában méme ubúñei.

²²Ítara méme líña, gabáfuti Búngiu jawágu güriñgü, aráanseñu líña lun larúfuduni luweirín ligáñi jawágu güriñgü ja gadúnabaña jagúnrinchawagún. Áfaaga lumúti jaríban láu sarágu gurásu darí guetó ²³lúnrügü gayára lan

larúfuduni luweírin luweírigun woun, wagía le únbaña gudémejabu lan, ja gíne laráanserubaña lúmagiñe binárü lun gafánraanbadiwa lan lídan luweírigun. ²⁴Wáti Búngiu woun, jíbiri jádaangiñe juríu, jíbiri jádaangiñe ja mámabaña juríu, ²⁵queísi laríñagun Búngiu tídan lilíburun Oséas.

Já meja mámabaña nánigu, naríñaguba joun. “Nánigu”,
gürígia méja ja mínsiñebaña nun, naríñaguba joun. “Jínsiñetün nun”.

²⁶Ani lídan méme fulásu le ñí lubei laríñawagúa joun. “Máma nánigu jugúya”,

ñíba laríñawagúa joun. “Lirájüñü Búngiu le wínwanbei”.

²⁷Ánjeinti jawágu Israelítagu, ja méme juríubaña, laríñajare Isaías. “Láu sun gíbe jamá ladúgawagun Israél quei ságoun láru béya, bíanraürügúbaña jádaangiñe erédera lun jasálbarun, ²⁸lugúndun lagúnfulirubei Búngiu lerérun ligíbuagu uboú lun lagúnrinchaguniña ja magáambadibaña lun, lídan ában igáburi le gumúti, le gíne furéseti.” ²⁹Queísi méja laríñagun méme Isaías.

Lun jamúga meja mígirun lan Súnti Gabáfu jádaangiñe

wadúgawagun woun,

wayábiña jamúga lun ítara wamá queísi ubúrgu buri Sodóma lúma Gomórra.

Juríu lúma ugánu luáguti Crístu

³⁰¿Cábati waríñaga? Luágu ja lan mámabaña juríu, ja mibíjinbalin lilúrudun Búngiu lun jasúbudiruni le buídubei lúma le wuríbabei, jagía antügúbaña quei richáguatiña ligíbugiñe Búngiu ladúga jaffñerun luágu. ³¹Anjañati ladúgawagun Israél, ja áfaagubaña lun jerésibirúniwa queísi gürígia richáguatiña láurügü jagúnfulirun lúma lilúrudun Búngiu, siñá jamuti lúrudu ligía agúnfulira, machúlúntiña lun richágua jamá ligíbugiñe Búngiu. ³²¿Cági uágu? Lugúndun máfaagun jamá lun jeréderun buídu ligíbugiñe Búngiu luágurügü jaffñen, jadúgeirüga láu cátei le guánarügü jadúgübei. Ligía jachúgeragunbei luágu Jesucrístu queísi “dúbü le achúgeraguágülei”, ladúga siñá lan jaffñerun luágu queísi Jasálbaragüle. ³³Laríñajare tídan Lerérun Búngiu.

Rútina ában wügüri le queísigubeirügübei dúbü le achúgeraguágülei

Sión, dúbü gíne le eíguadagüdúti gürígia.

Ánjeinti le afñeruti luágu, maságüríjanbei.

10 ¹Nidújeñu, le cátei le uágubei tayúmaja nanígi, lúma le uágubei nayúmuragun lun Búngiu jawágu Israelítagu, ja méme juríubaña, lun jasálbarun. ²Aríñagatina luágu jafúleisein luágu níjein lan ában oúnwenbun gúnfuli jádan lun Búngiu, máma queísi laríñagun subúdi jagúnfulin. ³Ibídiñeti joun ída líña lan ligáburi líchuguniña Búngiu gürígia richáguañu ligíbugiñe, láu igáburi le jabúseerubei jáluajan jeréderun richáguañu ligíbugiñe Búngiu, madúgünga jameí le labúseerubei. ⁴Lugúndun Crístu lébejabei lagúnfulirúniwa lilúrudun Moisés, áni adúgati lun sun lan ja afñebaña luágu, jeréderun richáguañu ligíbugiñe Búngiu.

⁵Luágu lerésibiruniña Búngiu gürígia queísi gürígia richáguatiña láu jagúnfuliruni lilúrudun, laríñajare Moisés. “Gürígia ja agúnfulirutiña lúrudu le gumúti, jabágariduba luágu lúrudu.” ⁶Luáguti lerésibiruniña Búngiu gürígia queísi richáguatiña ligíbugiñe luágu jaffínen, laríñajare. “Maríñagabá tídan banígi. ¿Cába amúdeira siélun?” —queísigubeirügü barárigüdúñein lan Cristu le Wasálbaragüle siélugiñe. ⁷Maríñagabá giñe. “¿Cába arárira le ñíjin jabeí jiláaña?” —queísigubeirügü bamúdeiragüdúñein lan Cristu jádaangiñe jiláaña ítara. Úati ni cáta lun wadúgüni lueídügüya lun waffínerun luágu. ⁸Cáteiti laríñagubei Búngiu? “Yaráfati ugánu lánina asálbaruni bun, adímurejatibu luágu ugánu ligía láu biyúma, níjein gíñe ugánu ligía tídan banígi.” Ugánu le, elun?” —queísigubeirügü barárigüdúñein lan Cristu le ligía ugánu le lánina affíñeni luágu Cristu le Wasálbaragüle, le wapúrichijabei. ⁹Ánjabu aríñaga láu biyúma luágu Jesúsu lan Babúremebei, affíne amúrú tídan banígi luágu sarágüda láani Búngiu lídaangiñe oúweni, basálbaruba. ¹⁰Láu baffínerun luágu Jesucristu táu sun banígi, lerésibirabu Búngiu queísi ában gürígia richáguati ligíbugiñe, láu bíchugun fe luágu láu biyúma, basálbara.

¹¹Taríñajare Lerérun Búngiu. “Úati ni ában gürígia le affíneruti luágu Jesucristu lun laságüríjan luágu lárigiñe.” ¹²Ában jáu jurú jáma ja mámabaña jurú, Wabúreme Jesucristu, ligía Jabúremebei sùngubei, áni fuleísei lumútiña sun ja agúarubaña lun lun líderaguniña. ¹³Ítara líña quei laríñawagún tídan Lerérun Búngiu. “Sun ja aguáruti líri Wabúreme, jasálbaruba.” ¹⁴¿Ída lubáti gayára lan jagúaruni lun lasálbaruniña ánjein mafíñerungiña lubeí luágu? ¿Ída lúba giñéti gayára lan jaffínerun luágu, ánjein magáambungiña lubeí luágu? ¿Ída lubáti gayára lan jagáambun luágu, ánjein uá jabeí apúrichijati ugánu luáguti asálbaruni joun? ¹⁵¿Ída lubáti gíñe gayára lan japúrichijan gürígia joun ánjein uá cába lan oúnajaña apúrichija? Queísi laríñawagún tídan Lerérun Búngiu. “¡Ma lubuídun jachúlürün ja anúgübalin ugánu luáguti aráandaruni lúma Búngiu, apúrichija jameí ugánu buíti luáguti asálbaruni!”

¹⁶Másutiña gürígia ja agáamba jamáalibeí ugánu luáguti asálbaruni ebéresera láu. Queísi laríñaguni Isaías tídan lilíburun. “Wabúreme, míbetiña affínerutiña luágu ugánu luáguti asálbaruni le wapúrichijabei.” ¹⁷Ítara líña lubeíti, lídaangiñe jagáambuni gürígia ugánu luáguti Cristu gayára lan jaffínerun luágu.

¹⁸Ába naríñagun. ¿Magáambun jamúba giñéti gayára lan jaffíñerti funásan ugánu luáguti asálbaruni? ¡Agáamba jamúti! Taríñajare Lerérun Búngiu.

Agaambúaali jamálali lídan sun fulásu,
chülújali jerérun lídoun lagúmujuún larígei uboú.

¹⁹Ába naríñagun. ¿Úagili funásan gunfaráanda jamáni Israelítagu ugánu luáguti Wasálbaragüle? Gunfaráanda jamáali, lugúndun lídan furúmiñeti cáteí laríñajare Búngiu liyúmulugugiñe Moisés.

Naméendidagüdúbadün jadúga ában rása ja máma náni,
nagáñidagüdúbadün jadúga ában rása ja ibídiñegidina joun.

²⁰Aríñagati gíñe Búngiu liyúmulugugiñe Isaías.

Darí jamutina ja máluajaanbalina,
arúfudaguatina núngua joun ja málügüdajánbaña nuágu.

²¹Ábaya laríñagun jawágu Israelítagu. “Sun wéyu náu agúaja joun
gürígia magáambaditiña, mabuídun.”

Israelítagu ja sálbabaña

11 ¹Aríñagatinati guetó. ¿Májaali funásan Búngiu joun Israelítagu ja lumútuniña? ¡Máma líña! Áu guánarügü Israelíta áu, jádaangiñetina lirásan Abrahám, jádaangiñe lufámilian Benjamín. ²Barú lumútiña Búngiu Israel-ítagu queisi lánigu lúmagiñé meja binárü, guetó, mamájaanti joun. ¿Magáambun jumúti le taríñagubei Lerérun Búngiu luágu Elías, lé meja proféta, luágu líchuguni dúru jawágu Israelítagu lídan layúmuragun lun Búngiu? Laríñaga. ³“Nabúreme, áfaragua jamá profétagu jilágubei, güringua jameí buri báni latárü, áu rügáali erédera jádaangiñe bánigu, áni buséntiña gíñe jáfarunina jilágubei.” ⁴Ába laríñagun Búngiu lun. “Anuádajaadina sédü mílu wügúriña nubárua ja májuduragúngiñabaña ligíbugiñe liyáwa búngiu le Baal.” ⁵Ítara méme gíñe lídoun buri wéyu le, reídeijaña átiri jádaangiñe juríu ja anúadaja láañabaña Búngiu láu lareíni. ⁶Ánjeinti láu lubeí lareíni Búngiu lanúadiraña, mámaali láu cátei le liyáraati gürígia guánarügü adúga, lugúndun lun jamúga ítara líña lan, mámaali jamúga areíni lareíni Búngiu.

⁷Ítara líña lubeíti, madári jamúti sun Israelítagu le jáluajabei, anáti ja lanúadirubaña Búngiu, darí jamuti. Ja jíbiri, siñáti jánjanrun lun asálbaruni le lébunabei affíneni luágu Búngiu, ába lígiruniña Búngiu táu tidére janígi. ⁸Queisi taríñagun Lerérun Búngiu. “Adúga lumútiña Búngiu lun deré lan jachúgü lun cátei lánina Búngiu, rúti águu le maríjinti joun, arígeirugu le magáambutu. Ítara liñáti chülú lúmoun dan le.” ⁹Aríñagati David.

Garábagua lámuga jefédujan lun sádarama,
lun jáburujan tídoun, lun jasúfurirun.

¹⁰Darú lámuga jágu, maríjin jamámuga,
sebúgua lámuga gíñe janágan lábugiñe janúgün lun sun dan.

Jasálbarun ja mámabaña juríu

¹¹Nálügüdjajaati guetó. ¿Láu jachúgeragun juríu, ja méme Israelítagu, jeíguatiña funásan le gumúti? ¡Máma líña! Lubáragiñe líra, láu jamájarun juríu lun jerésibiruni Crístu, jayábin ja mámabaña juríu lun jabíjubei lan asálbaruni, lun jáyeijabaña lan Israelítagu. ¹²Ánjeinti seríwi lubeí dúru le jadúgübei juríu buítima lun ubou, áni ánjein buíti lubeí lanúgübei jeféridirun joun ja mámabaña juríu, ¡sarágume buídutimaabei lan dánme le jasálbarun sun juríu!

¹³Níjein gíñe ában cátei lun naríñaguni jun, jugúya le mámabei juríu. Quei lounajañadina lan Búngiu apúrichija luágu Crístu joun ja mámabaña juríu, weíríti nubéresen láu nuwádigimari, ¹⁴lun gayára lan jabúseerun nirásan jáyeijanün, lun gíñe jasálbarun. ¹⁵Ánjein ladúga lubeí lamájarun Búngiu joun juríu, jáyábin ja mámabaña juríu lun jaráandarun lúma Búngiu, ¿ídatimá lubáti dánme le jerésibirúniwa? Ítara lúba joun queísi ásaaruni lídaangiñe oúweni. ¹⁶Ánjein derégewa tubeí furúmiñetu fein to adúgútu tídaangiñe fulúwaaru añóundawagutu lun Búngiu, derégewatu gíñe sun fulúwaaru ñóunwaguatu to ídaangiñeboun tiábin fein tugúya. Ánjein gíñe derégewa lubeí tflagüle ában tídi bu wéwe lun Búngiu, derégewañu líña gíñe tilímun.

¹⁷Añájein jádaangiñe juríu, queísi tilímun olívo tímatimaati, chaúnwatiña, gidáwatiña jagánaguagiñe lumútuniña Búngiu ladúga maffñeni le jádaanbei. Jugúya jawéñegubei, jugúya le mámabei juríu, ja ítarabaña quei tilímun olívo to áraabuna. Ítara líña jíábin lun gabára jumá lídan tflagüle lúma lídan tibágari olívo, resíbi jugúyame labínirun Búngiu, queísi lumútuniña. ¹⁸Marítagua jumátia luágu buídutimá jumá lueí límu le ñígubeibeí meja. Ánjaün arítagua luágu buídutima jumá, jarítagua jumá luágu máma lan jugúya ágüdjabalín ílagülaü, luágu ílagülaü lan ágüdjabalün.

¹⁹Fágua jaríñaguba. “Ánja, ába jagídarúniwa juríu lun wíchugún jawéñegua luágu olívo.” ²⁰Jinárün luágu gidáwa jamá jagánaguagiñe lumútuniña Búngiu, jagídarúnbei lugúndun maffñen jamá luágu Wasálbaragüle, jugúya, gabára jubeí ladúga jaffñen luágu. Manáangua jumá lubeíti júngua, duárirügü jumá. ²¹Lugúndun ánjein úa lubeí ferúduna láníña Búngiu juríu já meja lanúadajabaña lun lánigu jamá, úabei gíñe ferúduna lánün, jugúya le mámabei juríu, ánjaün ñúbin lun maffñen jumá. ²²Aríja jumeí lubeíti luweírin lareídun Búngiu, derégüdati gíñe. Derégüdati joun ja maffñebaña, areídati joun ja affñebaña. Lúnti jasígirun lídan lareíni láu sun jaffñen luágu, ánjein madúgün jumá ítara, jagídarúba gíñe. ²³Ánjaña ñúbin juríu lun jaffñerun luágu Crístu, jíchugúyaba lídoun jabára jagánagua lumútuniña Búngiu, lugúndun gabáfuti Búngiu lúnya líchuguniña jarigoún. ²⁴Jugúya le mámabei juríu, chaúnwatün tuegiñe ában olívo to áraabuna, ába jíchugún tuágun olívo to buítu, gúbume ladúgüwa joun juríu ja tilímunbaña olívo buítu ja tímatimaatiña, jíchugúyaba jarigoún tuágun olívo to ñígiñe lubeí jagídarúa, naríñaguña luágu lachúlürüba lan wéyu lun jerésibiruni juríu Jasálbaragüle.

Jasálbarun Israelítagu le lagúmujoún

²⁵Nidújeñu, buséntina lun jasúbudiruni cátei le luáguti laráansejan Búngiu, lé meja arámudagúabei, lun mapántajan jumá luágu chu lan jáu lídan le jálügüdagun júngua luágu buri cátei le. luágu deréraügüda láaru lan Búngiu janígi Israelítagu murúsun lun Jasálbaragüle darírügü dánme le gumújali jerésibiruni ja mámabaña juríu Crístu. ²⁶Dánme le lasúseredun líra, ábame jasálbarun sun Israelítagu, ja méme juríu, lugúndun taríñajare Lerérun Búngiu.

Liábinba Asálbaragülei Sióngiñe,
ábame lagídarun wuríbbani jádaangiñe juríu.

²⁷ Nijánba nidáradun jáma,
dánme le nagídaruni jafígonun.

²⁸ Luágu ugánu le luáguti asálbaruni, barúwatiña juríu queísi láganiñu Búngiu luágu jufúleisein, láu sun líra, jínsiñegiña lun Búngiu lugúndun anúadaja lumútiña binádu jagúbürigu juríu. ²⁹ Lugúndun le cátei le líchugun Búngiu, magída lumúti, gürígia ja lanúadajabaña lun lánigu jamá, lánigumemebaña. ³⁰ Jugúya, magáambaditún meja lun Búngiu, guetó, láu jamájarun juríu jagáambuni, ába gudémejabu lan Búngiu jun. ³¹ Magáambaditiña juríu lun Búngiu guetó, ánjein líra, lúnrüügü gudémejabu lan Búngiu joun queísi gudémejabu lan jun. ³² Ígira lumútiña Búngiu súngebui lun magáambun jamáni, lun gayáraabei lan gudémejabu lan joun. ³³ ¡Luweírín lareídun Búngiu, lúma lichú láu! Siñáti wasúbudiruni larítagun, siñá gunfaráanda wamáni lémeri. ³⁴ ¿Cági gunfarándabalin larítagun Búngiu? ¿Cági arúfudajabei lun? ³⁵ ¿Cági gürígia rújalibei som cátei lun Búngiu furúmiñe lun lerésibirun som cátei fáyeitime lárigiñe? ³⁶ Úati ni ában, lúmagiñe Búngiu liábin sun cátei, ligía gíñe ágüdjabalín sun cátei, áni lúngua gíñe ladúgei. ¡Uweíríguni lun Búngiu lun sun dan! Ítaralá.

Ibágari le derégewati lun Búngiu

12 ¹ Amúriajatina lubeíti júma, nidújeñu, lun jederegeragun júngua le gumúti lun Búngiu queísi gürígia abágaridutiña lun jesériwidun lun, jarúmañu lan jibágari ligíbugiñe. Niján luwúyeri agúnfuliruni le áubei lagúndaara Búngiu, áni lúnti ítara lan wadúgüni lugúndun weíríti lareíni woun. ² Jebé jabágaridun queísi lirájüñü ubou le, lubáragiñe líra, sáansi jumeí ligáburí jisáminan, sáansi lámuga gíñe ligáburí jabágaridun. Ítara kúba jiábin lun jasúbudiruni le lugúndaanbei Búngiu jun—le buídubei, le uáraguabei.

³ Queísi jumaésturun luágu lareíni Búngiu nun, aríñagatina jun sun jugúya, lun úa lan ni ában jádaangiñe arítaguti luoúgua weírí sügü láu le ligíabei. Lubáragiñe líra, cáda ában lúnti lasúbudiragun lúngua, según afíñeni le rúlaalíbei Búngiu lun. ⁴ Lugúndun ítara quei gíbe lán burí umégeguni luágu ábanrüügü úgubu, áni máma ában méme lifísiute sun umégeguni ligía, ⁵ ítara wáña gíñe, wagía afíñetiña, láu sun gíbe wamá, ában rüügüñadiwa úgubu lídan ában lúma Crístu, áni íderaguatiwa woungua wádaangua queísi lumégegun ában méme úgubu.

⁶ Rújali Búngiu ámuñegueinarüügü ubáfu woun queísi labúseeruni líchuguni lun cáda ában, lun wesériwidun lun, lúma joun wadújeñu lueígiñe Jesucrístu. Lúnti buídu lan wayúsuruni ubáfu ligía. Ánjein rújali lubeí Búngiu ubáfu woun lun ladímurejan wayúmulugugiñe, lúnti wadúgüni según afíñeni le wádaanbei, ⁷ ánjein rújali lubeí ubáfu woun lun wesériwidun joun ámu, lúnti wesériwidun buídu. Le garúfudajadíbei

Lerérun Búngiu, lúnti líchaagun lúngua lun arúfudajani. ⁸Le gíchigaditi dúgüdaguai joun ámu, lúnti líchaagun lúngua lun ladúgüni. Le edéweejati, lúnti magúrabun lan láguyun lun, le ábutibei, lúnti lagúmadijan láu sarágu duári, le íderaguti gudémetiña, lúnti ladúgüni láu ugúndani.

Ligáburi jabágaridun lánigu Crístu

⁹Jínsiñe jamá jidújeñu lueígiñe Jesucrístu jun láu ínisiñeni le inárüiniti. Iyéreegulá wuríbaní jun, falájumei le buídubei. ¹⁰Lúnti jínsiñegua jumá júmagua queísi idújeñu. Furése jumá lun jinúragüdüni jíri jidújeñu.

¹¹Mamáqualigu jumá lídan luwádigimari Wabúreme, seríwi jumeí táu sun janígi.

¹²Abágarida jumá gúndaañu láu eménigini le juágubei, gagúraasun jumá dan le jasúfurirun, ayúmuragua lun Búngiu, etefíngirei, súnwandan.

¹³Íderagua jumáña affíñetiña lídan jemégeirun, resíbi jumáña ja bisídabalün láu ugúndani.

¹⁴Amúriaja jumá labínirun Búngiu jawágun ja ouserutün wuríba, amúriaja jumá abíniruni joun, máma wuríbaní.

¹⁵Gúnda jumá jáma ja gúndaabaña, jayájua jáma ja ayájubaña.

¹⁶Abágarida jumá lídan úraguni júmawagua. Manáangua jumá júngua, gamádagua jumá jáma ja gudémebaña. Marítagua jumá juóúgua queísi sábiugu.

¹⁷Mafáyeira jumá wuríbaní luágu wuríbaní lun ni ában. Áfaagua jumá lun jadúgüni le buídubei jagíbugiñe súngubei. ¹⁸Adúga jumeí sun le juáraati lun jabágaridun lídan dan jáma súngubei. ¹⁹Nidújeñu jínsiñetiña nun, máguyugüda jumeí wuríbaní, ígira jumeí lun Búngiu lan afáyeigüda luágu. Taríñajare Lerérun Búngiu. “Áu lúnbei nafáyeigüdüniña gürígia luágu jaríban, líña Jabúreme.” ²⁰Aríñagati giñe Búngiu. “Ánjein lamá lubeí bágani, rúba eíginí lun, ánjein mágürabu lubeí, rúba dúna lun, lugúndun láu badúgüni líra, lebéloruba busíganu lun luágu luríban louserunibu.” ²¹Mígiraguagüdadabá búngua lun lagáñeirunibu wuríbaní lun báguyugüdün wuríbaní luágu wuríbaní, lubáragiñe líra, gáñibeí wuríbaní láu buídu le badúgübei.

13 ¹Lúnti jíchaagun súngubei júngua lábun jalúrudun gumádimatiña, lugúndun ítara líña laráansejan Búngiu lun níbeí lan lúrodu, áni gumádimatiña ja lídaanbaña jabára, labúseerun Búngiu añajein lubeí ní. ²Gürígia lubeíti le awúgüríjoúti lun gumádi, múaraanti láu le laríñagubei Búngiu, áni ja awúgüríjoútiña ítara, gadúnruntiña luágu líra áni jafáyeiruba luágu. ³Máma lúnñanu jíchugun gumádimatiña anúfudei joun ja adúgübalin le buídubei, aná joun ja adúgübalin le wuríbabei. ¿Buséntibu babágaridun manúfudeiga lueí lúrodu? Buídulá bouserun, ábame buídu ban lurúma lúrodu, ⁴lugúndun lesériwiduña lun Búngiu luágu bufúleisein. Ánjein wuríba bouserun, lúnti janúfude ban, ladúga máma luágu ni cáta gabáfu lan lúrodu lun lafáyeijagüdüñ luágu dúru, quei lesériwiduña lubeí lun Búngiu lun

lafáyeijagüdüin luágu dúru. ⁵Ligía lúnti lubeí úaragua wamá lúma lilúrudun wageíra, mámarügü lun máburujan lan asúfuriruni wawágun, lúnti ítara lan lun jarúmañu lan warítágun. ⁶Ligía gíñe lébubei jafáyeijan seínsu lun gumádi, lugúndun jesériwiduña lúrudugu lun Búngiu áni lun cátei le jeténira.

⁷Ru jumeíme le jáni cáda güriquia joun. Fáyei jumeí le lagúburajabei gumádi luágu jufúlasun, lúma buri ámu cátei líbe líra, fáyei jumeí le lúnti jafáyeiruni luágu cátei le ñúbinbei jun boúgudigiñe lueí jageíra. Gagáambadi jumá joun gumádimatiña, ru jugúyame inébesi joun queísi lubúdubu. ⁸Máni jumá dúweiti ni ca úma, lueídügüya lidúweitina ínsiñeni le jadúweirubei júmagua. Le jínsiñejabuti lun güriquia líledi, adúga lálali sun le lubeíle lilúrudun Búngiu láu ladúgüni líra. ⁹Taríñajare Lerérün Búngiu. “Magámaridabá güriquia maríetiña, máfarajabá, míwerujabá, maríñagabá iyéeni luágu ni ában, mawámadalá jemégen mútu bun.” Gúnfuli wamáali sun gumádi le, lúma buri le líbiri, láu wagúnfulirun lúma lilúrudun Búngiu le aríñagubei. “Jínsiñelá güriquia bíledi bun queísi bínsiñegua búngua.” ¹⁰Le jínsiñejabúbei, madúgünti wuríbati lun ni ában, ánjawa lubeíti jínsiñejabu, gúnfuli wamáali sun lilúrudun Búngiu queísi lubúdubu.

¹¹Lúnti ítara lan ligáburi wabágaridun lugúndun wabágariduña lídoun lagúmujóun dan. Dánjali lun wagágudun lídaangiñe idábagu, lugúndun yaráfatimaajali óra lun lagríbudun Wasálbaragüle ubouágun sügú láu dán meja le wafíñerunbei luágu ugánu luáguti asálbaruni. ¹²Belújali árieibu buídu, yaráfaali larúgadun, ligía lúnti lubeí wígiruni wadúgüni cátei wuríbati le adúgúbei lábugiñe lubúriga, lun wadáürunun wadáürágun queísi súdaara ja lábugiñetiña larúgounga. ¹³Efbuga wamá queísi lubúdubu ítara queísi güriquia ja buídubaña, úouga ni cáta luágu jagáburi lun jarámudágun lueí jaríjin güriquia. Mabágarida wamá lídan bacháruaü, lúma buri lanárima fédu, ni lídan salúfuri lúma iwíyeni, ni lídan gáganiguaü lúma gimúgaü. ¹⁴Lubáragiñe líra, rújumei Crístu guánarügü jubáragiñe lídan sun cátei, masáminara jumá lun jíchugun ugúndani lun lagúburi ayúmajani.

Madímurejabá luágu bidúje lueígiñe Jesucrístu

14 ¹Ánjein débili lubeí ában güriquia lídan lafíñen, resíbi jumeí, maríñagunga ni cáta lun luágu cátei le machouúrunei luágu. ²Queí buri, añájein derégüdati jafíñen, jarítaguatiña luágu gayára lan jeígin afíñetiña furúmiegurügü cátei áni jeréderuba jarúmañu ligíbugiñe Búngiu. Añájein jíbiri, débilitiña lídan jafíñen, meígintiña úwi. ³Le eígiti furúmiegurügü cátei, moún lumuti únabu lan lanúgüni le meíginbalin, le gíñe májabei leígin furúmiegurügü cátei, moún lumuti gíñe ladímurejan luágu le eígibalin, lugúndun resíbi lálali Búngiu güriquia ligía queísi lánigu. ⁴¿Cátabuñadíbugi lun badímurejan luágu güriquia le esériwidubei lun Búngiu? Ánjein erédera buídu o wuríba, Labúreme lúnbei laríjin láu líra. Áni leréderuba buídu lugúndun gabáfuti Búngiu lun leréderagüdúni buídu.

⁵Nijánya ában jémpulu. Añájein güriquia weíruti janúgüni ában wéyu lueí ámu wéyu, añájein jíbiri, affñetiña luágu ában lan lábu sun wéyu. Cáda ában lúnti lachoúruruni le uágubei larítagua. ⁶Le areídubei som wéyu, ladúgüñein lun líchugun inébesei lun Búngiu. Le eígibeí furúmiegurügü cátei, leígini lun líchugun inébesei lun Búngiu, lugúndun rúti eteíngiruni lun Búngiu luágu eígini ligía. Le meíginbei úwi ladúga liloúguan lafñen, lun líchugun inébesei lun Búngiu ladúgei, rúti gñe eteíngiruni lun Búngiu luágu cátei le gayáraabei leígin según lafñen.

⁷Naríñagubalin líra lugúndun úa lan ni ában wádaangiñe abágariduti lun guánarügü, úa ni ában ouweti lun guánarügü. ⁸Ánjawa abágarida, wabágariduña lun wadúgüni lugúndan Búngiu, ánjawa ouwe, wouñweña según lugúndan Búngiu. Ítara líña lubeíti, dándu lídan ibágarí queísi lídan ouweni, láni Crístu wagía. ⁹Jiláti Crístu, ábaya labágaridun lun Wabúremebei lan, wínwañu wagía yebe, jiláñu yebe.

¹⁰¿Ánjein bugúya, ca uágu badímureja luágu bidúje lueígiñe Jesucrístu? ¿Ca uágu banúgei quei ni cáta? Búngiu rügüñein lun lagúseragüdün, áni sun wagía, waráramuba ligíbugiñe lun wagúserun, ¹¹queísi taríñagun Lerérun Búngiu.

Inárüni itara quei gabágarí nan, líña laríñagun Búngiu, luágu jájuduraguba lan sun güriquia nigíbugiñe, áni jasúbudirubadína súngebei ligíbugiñe guríriguau.

¹²Cáda lubeíti ában wádaangiñe, lagúseruba luoúgua lúma Búngiu.

Machúgeraguagüdeí bidúje

¹³Ligía, moún lubeí wadímurejan jawágu wadújeñu lueígiñe Jesucrístu. Lubáragiñe líra, derébugulá jarítangun lun madúgün jumá ni cáta le gayáraati lachúgeraguagüdüni jíbiri, o lábुरुgüdüni lan lídoun figoú. ¹⁴Subúdi numúti luágu úa lan ni cáta le leígibeí güriquia lun lawíyeduni ligíbugiñe Búngiu, áni choúru numúti líra, áu queísi affñeti luágu Jesucrístu. Láu sun líra, ánjein jarítagua lubeí ában güriquia luágu marúman lan ában cátei, marúmaanti lun, áni figoú lun lun leígini. ¹⁵Anjeinti bañawurija lafñen bidúje láu cátei le beígibeí, mámaali bagáburiduña láu ínsiñejabuni. Madúgabá lun leféridirun ában güriquia le ueígiñebei louwe Crístu, ladúgarügü beígin itaga cátei. ¹⁶Míchiga jumá lubeíti lúgaaru lun ladímurejoún wuríba luágu cátei le gayáraabei jadúgüni queísi affñetiña luágu Crístu. ¹⁷Larúeijan Búngiu máma cátei luáguti le eigíbei o atúbei, luáguti ában ibágarí le lánina ísuruni, darángilau lúma ugúndani le líchugubei Sífiri Sándu woun. ¹⁸Le esériwiduti lun Crístu lídan igáburi le, gúndaati Búngiu láu, áni buíti gñe jarúma güriquia.

¹⁹Ítara méme wamá lubeíti áluaja lun lídan lan darángilau sun cátei, lun gayára lan wíderagun wámagua lun wawáanserun lídan cátei le lánina Búngiu. ²⁰Magúrinchaguabeí luwádigimari Búngiu lídan libágarí ában güriquia láu cátei le beígibeí. Inárüni luágu jarúma lan sun eígini ligíbugiñe Búngiu, le

wurfbabei, lun leigin cátei le áburugüdütiña ámu güriquia lídoun figoú. ²¹Buítí lun meigin ban úwi, matún bínu, madügún ni cáta le achúgeraguagüdüti bidúje, o láburugüdüni lan lídoun figoú, o ledébiliragüdüni lan lafñen. ²²Afñeni le buágubei, lúnti buágu guánarügü lan ligíbugiñe Búngiu. ¡Gúndaati güriquia le gayáraabei laríñagun luágu buídu lan cátei le ladügübei, masándiragunga ligía lúngua láu dúru! ²³Ánjeinti le eígebei ában cátei láu machoúruni luágu buídu lan leigini queísi afñeti luágu Crístu, gadúnrunti ladúga leigini, lugúndun meigin lumúti láu afñeni. Sun le wadügübei, ánjawa arítagua luágu fágua lan moun láani wadügüni, figoú woun.

Gúndaagüdebá güriquia bíledi, máma amúrü guánarügü

15 ¹Wagía le jerebei lídan wafñen, lúnti gagúraasun wamá jabá ja louguagiñabaña afñe, lúnti warítangun luágu le buídubei joun, mámarügü luágu wíchugun ugúndani woúniwagua. ²Cáda ában wádaangiñe, lúnti lagúndaaraguagüdüni güriquia líledi láu le buídubei lun güriquia ligía, lúma láu le gayáraati lagánwoundagüdüni lafñen. ³Ni Crístu, míchugunti ugúndani lúniwagua, lubáragiñe líra, suséreti le abúrújoúbei tídan Lerérun Búngiu lun. “Núguchi, áburujati janábajan ja anábulalibu nuágun.” ⁴Sun le aríñawagübei tídan Lerérun Búngiu lúmagiñe binárü, lun larúfudajoún woun labúrújoúa, bürúwatí meja dimúrei buri ligía lun wanügün gurásu lúma dúgüdaguaü lídaangiñe, gayára lámuga wemenigiduntima luágu Búngiu. ⁵Búngiu le íchugubei gurásu lúma dúgüdaguaü, nderagualaún lun jabágaridun lídan dan jáma jíbiri, queísi ladügüni Jesucrístu. ⁶Ítara líba, sun lan wagía lídan ában, láu ábanrügü umálali, wíchuguba uweíríguni lun Búngiu, le Lúguchi Wabúreme Jesucrístu.

Agáambatiña ja mámabaña juríu luágu Wasálbaragüle

⁷Resíbigua jumá lubefti júniwagua quei giñe lerésibiruniwa Crístu, lun liñurúniwa líri Búngiu. ⁸Le naríñagubei, luágu liábinbei lán meja Crístu lun lesériwidun joun juríu, lun lagúnfulirun dimúrei le íchugübei joun binádu wagúbüri, lun larúfudún luágu gúnfuli láani Búngiu lerérun. ⁹Liábinbei giñe lun jíchuguba lan ja mámabaña juríu uweíríguni lun Búngiu luágu lareídun, quei taríñaguni Lerérun Búngiu.

Ligía níchuguba lubeí uweíríguni bun jagánaguagiñe ja mámabaña juríu, nerémujaba giñe luágu buweírígün.

¹⁰Taríñajare giñe Lerérun Búngiu.

Gúnda jumá, jugúya le mámabei juríu, úara jáma ja lánigubaña Búngiu.

¹¹Taríñajare giñe.

Rújuma sun ja mámabaña juríu inébesi lun Búngiu, adímureja jamá sun güriquia luágu luweírígün.

¹²Laríñajare giñe Isaías tídan Lerérun Búngiu.

Liábiba ában ladúgawagun Isaí,

le lúnbei lagúmadiruniña ja mámabaña juríu.

Jagía, jeménigiduba luágu.

¹³Búngiu, le íchugubalin eménigini woun, buíngüdalaün láu ugúndani lúma darángilau lídan jafñerun luágu, lun buíñu jumá láu eménigini, láu lubáfu Sífiri Sándu.

¹⁴Nidújeñu, choúruguatina núngua luágu buin jíña lan láu areíduni lúma subúdi luágu wafñen luágu Crístu, luágu gíñe gíchigadi jumá dimúrei buíti joun jíbiri. ¹⁵Tídan gárada to, abúrújaadina jun láu sun furáangu luágu buri cátei le lun mabúlieidun jumáni. Nadúgüñein luágu wadágimanu le rúlaalíbei Búngiu nun láu lareíni, ¹⁶lun nesériwidun lun Jesucrístu jagánagua ja mámabaña juríu. Seríwi le nadúgübei, napúrichijani ugánu lúmagiñeti Búngiu luágu Wasálbaragüle lun nanúgübaña lan ja mámabaña juríu lun Búngiu, lun lerésibiruniña queísi gürígia ja jarúmaaru janígi láu luwádigimaridun Sífiri Sándu jádan.

¹⁷Ítara líña lubeíti, áu queísi ában affñeti luágu Jesucrístu, gébunati gúnda nan lídan nesériwidun lun Búngiu, ¹⁸luágu rügüñein buri cátei le ladúgübei Crístu guánarügü nídaangiñe nadímureja, lun jayábin ja mámabaña juríu lun jagáambubei lan Búngiu. Yúsu láali Crístu nerérun lúma náfaagun, ¹⁹luweírin buri seíni lúma buri miláguru le nadúgübei láu lubáfu Sífiri Sándu nídan, lun lanúgüniña ja mámabaña juríu lúmoun. Láu igáburi le, jóustagüda náali lapúrichijoún ugánu luáguti asálbaruni lídaangiñe Crístu, lúmagiñe Jerusaléngiñe darí loúbawagun Ilríco. ²⁰Ítara líña áfaaguaadina lan lun napúrichijani ugánu luáguti Wasálbaragüle le ní lumuti magaambúngili lan líri Crístu. Mabúseeruntina nuwádigimaridun lun Crístu lídan fulásu le ní lumuti chülújali lan ámu láu ugánu luágu, nubáragiñe, ²¹lubáragiñe líra, súnwandan busén nan nagúnfuliruni dimúrei lébei le taríñagubei Lerérun Búngiu.

Ja masúbudirungiñabaña luágu, jagáambuba luágu, gunfaráanda jagíame luágu.

Jarítaguati Páblo lídin Róma

²²Ladúga nesériwiduña lan lun Crístu lídan ámu fulásu, siñágili lubeí nídin bisídaün, láu sun gíbeeli lan weíyaasu nabúseerun nadúgüni. ²³Guetóti, quei gumúnaali lan nuwádigimari lueígiñe oúbaü le, áni quei lúmagiñe lan binárü nabúseera nídin aríjaün, ²⁴agúrabatina násügürün bisídaün dánme le nídin Espáña. Lárigiñeme aríja náadiün lan lun wagúndaaragun wámagua murúsuraü, agúrabatina lun jíderagubadina lan luágu nuweíyasun yágütoun. ²⁵Ánjein guetó, neíbuga Jerusalén, barúina cátei joun wadújeñu lueígiñe Jesucrístu ní. ²⁶Lugúndun wadújeñu ja Macedóniabaña jáma ja Acáyabaña jarítaguaaña jóúndarun seínsu jádaangua lun jóúnajani joun idújeñu gudemetiña ja Jerusalénbaña. ²⁷Jarítaguaaña luágu buídu lan lun jadúgüni cátei le, áni richátiña, lugúndun dúwei jamúti joun le tímatimaati, lugúndun ítara quei jafánreinraguni affñetiña ja juríu jarísin le lánina siélu

jáma ja mámabaña juríu, lúnti giñéti jíderaguniña affñetiña ja mámabaña juríu affñetiña ja juríu luágu jemégeirun ya ubouágu. ²⁸Dánme lubeíti gumúnaali cátei le, derége neíme seínsu le joun, ábame nídin lun Espáñoun, bisída naúnme dánme le násügürün. ²⁹Choúru numúti luágu dan lánme nachúlürün júmoun, nachúlürüba lan buin láu abíniruni lúmagiñe Crístu.

³⁰Nidújeñu, ayúmuraguatina jun luágu jínsiñejabu lun Wabúreme Jesucrístu, lúma luágu ínsiñeni le líchugubei Sífiri Sándu woun, lun júaradun núma lídan áfaaguni, ayúmuragueina lun Búngiu nuágu. ³¹Amúriaja jumá lúma Búngiu lun leséfurunina jaweí maffñetiña ja Judéabaña, lun gíñe buídu lan lerésibirúniwa íderawaguni le nanúgübei joun wadújeñu ja Jerusalénbaña, ³²lun gúndaabadina lan dánme le nachúlürün júmoun eméragua murúsun, ánjein ligía lubeí lugúndaabei Búngiu. ³³Júmalá Búngiu le íchugubei darángilau. Ítaralá.

Mábugaü lun cáda ában

16 ¹Táu gárada to, nasúbudiragüdüñoun Fébe, wadúje lueígiñe Crístu to esériwiduboun wáma tídan ligílisi to Cencreáboun, jun. ²Dánme le tachúlürün júmoun, resíbi jumoún buídu lídan líri Wabúreme, queísi lúnti lan ladügün jádan idújeñu lídan affñeni. Íderagua jumoúnme lídan furúmieguaügü cátei le temégeirun, lugúndun tugúya, sarágujaña tíderagun, íderagua táadina gíñe.

³Mábuga níña tun Priscíla, lúma lun Aquíla ja nidújeñu lídan nesériwidun lun Jesucrístu. ⁴Jagía, rújamuti jabágari guánarügü lídoun lénreengúnga lun jasálbaruni nibágari, teínqui níña lubeíti joun, áni mámarügü áu, sun gíñe wadújeñu ja tílana jalígilisin ja mámabaña juríu, rújamuti jeteíngirun joun luágu líra. ⁵Mábuga níña gíñe joun wadújeñu ja oúndaragubaña jábiñe Priscíla lúma Aquíla. Mábuga níña lun numáda Epenéto le jínsiñebei nun, le furúmiñebei affñeruti luágu Crístu ubúrugü Acáya. ⁶Mábuga níña tun María to ñadágimeinjáruboun sarágu jagánagua, jugúya Rómána. ⁷Mábuga níña joun nupáisanu Andrónico lúma Junías já meja níbirigubaña furísunrugü, buíti jadímurejan láni Crístu apóstolugü jawágu, jagía gíñe affñerubaña luágu Crístu nubáragiñe.

⁸Mábuga níña lun Amplías, numáda jínsiñeti nun queísi lánigu Crístu. ⁹Mábuga níña lun Urbáno, woúba lídan wawádigimari luágu Jesucrístu, lúma lun Estáquis, numáda le jínsiñebei nun. ¹⁰Mábuga níña lun Apéles, le arúfuda láalibeí lafiñen luágu Crístu sarágu weíyaasu, mábuga níña gíñe joun tílana lúban Aristóbulo. ¹¹Mábuga níña lun nupáisanu Herodión lúma joun tílana lúban Narcíso ja affñebaña luágu Wabúreme. ¹²Mábuga níña joun Trífena túma Trífosa, ja ñadágimeinbaña lídan luwádigimari Wabúreme, lúma gíñe tun wadúje Pérsida to jínsiñeboun woun, to adúgaaruboun sarágu lídan líri Crístu. ¹³Mábuga níña lun Rúfo, wügüri le buídubeí igáburi le tímatisaati ligíbugiñe Crístu, mábuga níña gíñe tun lúguchu, to gíñe ítarajaruboun queí ában úguchuru nun. ¹⁴Mábuga

níña joun Asíncrito, Flegónte, Hérmias, Patróbas, Hérmes, lúma joun wadújeñu ja jámbaña. ¹⁵Mábuga níña gíne lun Filólogo lúma tun Júlia, lun Neréo lúma tun lítu, lun Olímpas lúma joun sun wadújeñu lueígiñe Crístu ja jámbaña.

¹⁶Chúgua jumá júngua lídan líri Wabúreme, arúfuda jumámugei luágu lídaañadiwa lan ában wámagua. Mábuga jáña sun tílana lilígilisin Crístu jun.

¹⁷Nidújeñu, ayúmuraguatina jun lun jarfjiniña cátaña lan ja afánreinraguagüdübaña güriquia, ru jagía achúgeraguágülei lun jaffñen. Múaraanti le jadúgübei lúma le arúfudajoúbei jun. Díse jumá jawéi güriquia jagía, ¹⁸lugúndun güriquia jagía, mesériwiduntiña lun Wabúreme Jesucrístu, jóingua guánarügü jesériwida. Jeyédañati güriquia ja únabugutiña láu buri liñúlun lúma lubúidun lagaambún jerérun. ¹⁹Subúdi jamúti sun güriquia luágu nñütün jumá láu le lubébei Búngiu, ligía gúnda nubeí, buséntina gíne lun furése jumá lun jadúgüni le buídubei, máma lun le wuríbabei. ²⁰Búngiu le íchugubalin darángilai, lagáñeiragüdübadün luágu Máfia, furése. Binílaün Wabúreme Jesucrístu.

²¹Mábuga líña Timotéo jun, le noúba lídan wadágimanu, mábuga jáña gíne Lúcio, Jasón lúma Sosípater, ja nupaísanu, jun.

²²(Áu, Tércio, le abúriujabarun gárada to, mábuga níña gíne jun, nidújeñu lueígiñe Wabúreme.)

²³Mábuga líña Gáyo jun. Naganouña tídan lúban to gíne lafúrederúboun joun sun tílana liglisi. Mábuga líña gíne Erásto jun, le ágüdjabalin liseínsun fulásu, lúma gíne wadúje Cuarúto.

²⁴Binílaün Wabúreme Jesucrístu sun jugúya. Ítaralá.

Rúwama uweíriguni lun Búngiu

²⁵Guetóti, rúwama inébesei lun Búngiu, le gayáraabei ladúgünün lúntima derégüdagü jumá lídan jaffñen, según ugánu luáguti asálbaruni le napúrichijabei, lúma arúfudajani luágu Jesucrístu. Arámudaguati meja laráansejan Búngiu luáguti wasálbarun lúmagiñe lubáragiñe lagúmeserun uboú, láu sun abúriüja jamá meja profétagu luágu. ²⁶Guetó, láu lugúmadin Búngiu le wíwanbei lun sun dan, subúdigüdáwuali luágu Wasálbaragiüle joun sun güriquia lun gayára lan jaffñerun luágu, gagáambadi jagíame lun Búngiu.

²⁷¡Uweíriguni lun Búngiu le ligíarügüti, ábanrügüti, le ligíarügüti chu áu, uweíriguni lun, lídaangiñe Jesucrístu, lun sun dan! Ítaralá.